

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
NOV 16 1941

T9299/8125(57)

學海君道部創業類

偽命分爭門四

晉末十六國篇四

符秦據長安章

姚秦據長安章

偽命分爭門五

晉末十六國篇五

前涼張氏據河西章

後涼呂光據酒泉章

偽命分爭門六

晉末十六國篇六

南涼秃髮據廣武章

北涼沮渠據張掖章

偽命分爭門七

晉末十六國篇七

西涼李暠據酒泉章

西秦乞伏據死川章

夏赫連勃勃據長安章

北燕馮跋篡後燕章

學海君道部卷之一百六十七

創業類

四十四

僞命分爭

四

晉末十六國篇

三

符秦據長安章

惠武皇帝符洪略陽臨渭氏人初姓蒲父懷歸為部落小帥

晉懷帝永嘉四年庚午秋七月氏酋蒲洪自稱略陽公

永嘉之亂蒲洪散千金召英傑之士訪安危通變之術宗人蒲光

蒲突遂推洪為盟主洪驍勇多權畧羣氏畏服之晉懷帝永嘉四

年庚午七月漢王劉聰遣使拜洪平遠將軍洪不受自稱護氏校

尉秦州刺史略陽公

哈佛大學漢和
圖書館珍藏印

元帝大興二年^{己卯}秋蒲洪降趙

漢劉曜僭號長安改國號趙蒲光等逼洪降趙趙主曜以洪爲率

義侯成帝咸和戊子冬後趙取長安洪保隴山

成帝咸和四年^{己丑}秋八月後趙取秦隴蒲洪降

後趙石虎攻趙太子熙於上邽執之遂滅趙進攻集木且羗於河

西克之秦隴悉平氏王蒲洪請降虎表洪爲冠軍將軍監六夷軍

事委以西方之事

八年^{癸巳}冬十月蒲洪自稱雍州刺史石虎遣兵擊之洪降

石虎自爲丞相趙王弒其太后劉氏時石生鎮關中石朗鎮洛陽

聞變皆舉兵討之生遣使降晉洪自稱雍州刺史西附張駿虎攻

朗斬之進軍長安斬生分命諸將屯汧隴遣將軍麻狄討洪洪帥

戶二萬降於虎虎迎拜洪光烈將軍護氏校尉洪至長安說虎徙

關中豪傑及氐羗以實東方曰諸氐皆洪家部曲洪帥以從誰敢

違者虎從之徙秦雍民及氐羗十餘萬戶于關東以洪爲龍驤將

軍流民都督使居枋頭

咸康四年^{戊戌}夏五月趙王虎擊燕不克以蒲洪爲西平郡公

趙王虎擊燕進逼棘城不能克而退燕兵追擊大破之洪以功拜

使持節都督六夷諸軍事冠軍大將軍封西平郡公石閔言於虎

曰蒲洪雄雋得將士死力諸子皆有非常之才且握彊兵五萬屯

據近畿宜密除之以安社稷虎曰吾方倚其父子以取吳蜀奈何

殺之待之愈厚

穆帝永嘉五年^{己酉}春正月趙以蒲洪爲雍州刺史略陽公

趙王虎稱皇帝大赦故東宮高力等萬人謫戍涼州不在赦例高力督梁犢作亂趙王虎命燕王斌統洪等討滅之拜洪為侍中車騎大將軍開府儀同三司都督雍秦州諸軍事雍州刺史進封略陽郡公

夏四月蒲洪遣使來降

趙王虎卒石遵殺世而自立石閔言於遵曰蒲洪傑人也今以洪鎮關中臣恐秦雍之地非復國家之有此雖先帝臨終之命然陛下踐祚自宜改置遵從之罷洪都督餘如前制洪怒歸枋頭遣使降晉

冬十一月秦雍流民立蒲洪為王

趙石鑿弑其王遵而自立秦雍流民相帥西歸

石虎破石生徙民關東今因趙亂故

相帥路由枋頭共推洪為王眾至十餘萬

洪勸十虎徙秦雍民以實東關而身委質

趙今趙之亂得因以為資奸雄同時而動也

洪子健在鄴斬關出再枋頭石鑿懼洪之

逼欲以計遣之乃以洪為都督關中征西大將軍雍州牧領秦州刺史洪會官屬議應受與否王簿程朴請且與趙連和如列國分境而治洪怒曰吾不堪為天子邪而云列國乎引朴斬之

六月

庚戌

春正月蒲洪自稱三秦王改姓符

閏正月趙石閔殺鑿而自立遂滅趙改國號曰魏洪與姚弋仲皆不附於閔麻秋自長安帥眾歸鄴洪使其子雄迎擊獲之以為軍師將軍閏月朝廷聞中原大亂復謀進取以洪為氏王使持節征北將軍都督河北諸軍與州刺史封廣川郡公洪與姚弋仲各有據關右之志弋仲遣其子襄帥眾五萬擊洪洪迎擊破之斬獲三

萬餘級洪自稱大都督大將軍大單于三秦王改姓符氏洪謂博
士胡文曰孤率衆十萬居形勝之地冉閔慕容雋可指辰而殄姚
襄父子克之在吾數中孤取天下有易於漢祖

二月故趙將麻秋殺苻洪

初故趙將麻秋爲苻洪所獲以爲軍師將軍說洪曰冉閔石祗方
相持中原之亂未可平也不如先取關中基業已固然後東爭天
下誰敢敵之洪深然之旣而秋因宴鳩洪欲并其衆世子健收秋
斬之洪謂健曰吾所以未入關者以爲中州可定今不幸爲豎子
所困中州非汝兄弟所能辦我死汝急入關言終而卒

高祖景明皇帝名健洪子也麻秋設洪健斬秋遣使來請命

載記曰苻健洪第三子也健長而勇果便弓馬好施善事人甚爲

石虎父子所親愛虎雖外禮苻氏心實忌之乃陰殺其諸兄而不
害健也庚戌春三月洪卒健代統其衆乃去大都督大將軍三秦
王之號稱晉官爵遣其叔父安來告喪且請命

夏五月杜洪據長安苻健擊敗之

趙石祗僭號于襄國以健爲都督河南諸軍事鎮南大將軍開府
儀同三司兖州牧略陽郡公王朗聞趙亂自長安赴洛朗司馬杜
洪據長安自稱雍州刺史以張琚爲司馬關西夷夏皆應之健欲
取之恐洪知之乃受趙官爵以趙俱爲河內太守戍温牛夷爲綏
集將軍戍懷立宮室於枋頭課民種麥示無西意有知而不種者
健殺之以徇旣而自稱晉征西大將軍都督關中諸軍事雍州刺
史悉衆而西以魚遵爲前鋒行至孟津爲浮梁以濟遣弟輔國將

軍雄帥衆五千自潼關入兄子揚武將軍菁帥衆七千自軹關入
臨別執菁手曰事若不捷汝死河北我死河南不復相見既濟
橋自帥大衆繼雄而進杜洪聞之與健書侮嫚之以張琚弟先爲
征虜將軍帥衆萬二千逆戰于潼關之北先兵大敗走還長安健
雖戰勝猶修箋于洪送名馬珍寶請至長安上尊號洪曰幣重言
甘誘我也乃悉召關中之衆以拒健健筮之遇泰之臨健曰小往
大來吉亨昔往東而小今還東而大吉孰大焉是時衆星夾河西
流占者以爲百姓還西之象健遂進軍赤水洪弟郁勸洪迎健洪
不從郁率所部降于健健遣苻雄狗渭北氐酋毛受屯高陵徐磋
屯好畤羌酋白犢屯黃白衆各數萬皆斬洪使遣子降于健苻菁
魚遵所過城邑無不降附洪懼固守長安九月苻菁與張先戰于

渭北擒之二輔郡縣壁壘皆降

冬十一月苻健入長安遣使來獻捷

十月健長驅至長安杜洪張琚奔司竹

在扶風
盩厔縣

十一月甲午健入

長安以民心思晉乃遣參軍杜山伯詣建康獻捷并修好於桓溫
於是秦雍夷夏皆附之

以其歸
晉也

趙涼州刺史石寧獨據上邽不下

十二月苻雄擊斬之

七年

秦王苻皇
始元辛亥

春正月苻健自稱秦天王

健左長史賈玄頤等請依劉備請漢中王故事表健爲都督關中
諸軍事大將軍大單于秦王健怒曰吾豈堪爲秦王邪且晉使未
返我之官爵非汝曹所知也旣而密使梁安諷玄頤等上尊號健
辭再三然後許之丙辰健卽天王大單于位國號大秦

三月秦遣使問民疾苦

健分遣使者問民疾苦搜羅雋異寬重歛之稅弛離宮之禁罷無用之器去侈靡之服凡趙之苛政不便於民者皆除之

史言苻堅所以能據

有開中

夏四月司馬勲會杜洪等兵擊秦敗還

杜洪遣使召梁州刺史司馬勲四月勲帥步騎三萬赴之健禦之於五丈原勲屢戰皆敗退歸南鄭健以中書令賈玄碩如者不上尊號銜之使人告玄碩與司馬勲迎并其諸子皆殺之

八年壬子春正月秦王健稱皇帝

正月秦丞相雄等請健正尊號依漢晉之舊不必效石氏之初

謂石

虎兄弟皆告稱天

後即皇帝位健從之即皇帝位大赦諸公皆進爵為王目言

單于所以統壹百蠻非天子所宜領

此亦雄等之言也

以授太子長

杜洪司馬張琚殺洪自稱秦王五月秦王健擊張琚殺之

十一年秦皇始五乙夏六月秦王健卒

健勤於政張數延公卿咨講治道承趙人苟虐奢侈之後易以寬簡節儉崇儒禮士由是秦人悅之

晉書載記史臣曰自兩京殄覆九土分崩赤縣成蛇豕之墟紫宸遷鼃鼃之穴干戈日用戰爭方興猶逐鹿之並驅若瞻鳥之靡定苻洪擅蠻陬之桀黠乘羯虜之危亡乃附款江東而志圖關右禍生蠱毒未逞狼心健既承家克隆凶緒率思歸之衆投山西之隙據億丈之巖險總三秦之果銳敢窺大寶遂竊鴻名狡數奸雄有可言矣

姚秦據長安章

始祖景元皇帝姚弋仲南安赤亭羌也父廻為鎮西將軍

詳世系類

晉懷帝永嘉六年壬申冬十二月羌酋姚弋仲自稱扶風公

懷帝遷于平陽秦主業入長安十一月弋仲奔徙榆眉

漢扶風之喻麋縣

戎夏襁負隨之者數萬自稱護羌校尉雍州刺史扶風公

明帝大寧元年癸未秋七月趙擊陳安斬之封姚弋仲為平襄公

趙主曜擊斬陳安於隴城隴西悉平氏羌皆送任請降曜以弋仲

為平西將軍封平襄公邑之於隴上

成帝咸和四年己丑秋八月後趙取秦隴姚弋仲以眾降

戊子石勒滅前趙己丑秋石虎攻拔上邽遂取秦隴弋仲以眾降

虎表弋仲行安西將軍六夷左都督

八年己丑秋趙以姚弋仲為西羌大都督

七月趙主石勒卒子弘立八月石虎自為丞相魏王十月石生等

舉兵討虎而蒲洪西附張駿虎攻石生等於長安斬之遣將麻秋

討苻洪洪降于虎說虎徙關中豪傑及氏羌以實東方虎從之以

弋仲為奮武將軍西羌大都督帥其眾數萬徙居清河之灄頭甲

午冬十一月虎弑弘而自立弋仲稱疾不賀虎累召之乃至正色

責虎虎以其誠實亦不之罪也

穆宗永和元年乙丑冬十二月趙以姚弋仲為冠軍大將軍

趙王虎以弋仲為持節十郡六夷大都督冠軍大將軍封襄平縣

公弋仲清儉鯁直不治威儀言無畏避虎甚重之朝之大議每與

參決公卿皆憚而下之

五年^{巳酉}春正月趙謫戍梁犢反

趙王虎以稱帝大赦故東宮高力等萬餘人謫戍涼州不在赦例
謫戍高力督梁犢反帥眾趣洛陽虎遣李農討之大敗虎大懼命
燕王斌統姚弋仲討之馳召弋仲弋仲將其眾八千餘人屯于南
郊輕騎至鄴求見虎病未之見引入賜食弋仲怒曰主上召我
來擊賊當面授方畧我豈爲食來耶且主上不見我我何以知其
存亡虎力疾見之弋仲讓虎曰兒死愁邪何爲而病且汝久病所
立兒幼汝若不愈天下必亂當先憂此犢等窮困思歸相聚爲盜
所至殘暴此易擒耳老羗爲汝一舉了之弋仲性狷直人無貴賤
皆汝之虎亦不之責授使持節征西大將軍賜以鎧馬弋仲曰汝
看老羗堪破賊否乃於是披鎧跨馬于庭中因策馬南馳不辭而
出遂與斌等擊犢于滎陽大破斬之虎命弋仲劔履上殿入朝不
趨進封西平郡公

六年^{庚戌}春趙石閔殺鑿而自立石祗稱帝於襄國

閏正月趙石閔殺趙主鑿而自立盡滅石氏改國號魏弋仲據灑
頭帥眾討閔軍于混橋弋仲與蒲洪各有據關右之志遣其子襄
擊洪洪迎擊破之自稱三秦王襄引還二月石祗稱帝于襄國以
弋仲爲丞相親趙王待以殊禮

七年^{辛亥}春二月魏主閔圍趙王祗於襄國姚弋仲及燕王儁遣兵救
之三月魏主閔及趙燕及姚襄之兵戰敗續

魏主閔圍趙王祗於襄國祗遣使乞師于弋仲遣襄救之敗閔將
胡睦於長蘆與燕趙合兵擊閔敗走之

秋八月姚弋仲遣使來降

弋仲遣使降晉詔以弋仲為使持節六夷大都督督江北諸軍事

車騎大將軍開府儀同三司大單于高陵郡公

八年壬子春三月姚弋仲卒

弋仲有子四十二人及病謂諸子曰石氏待吾厚吾本欲為之盡

力今石氏已滅中原無主我死汝亟自歸於晉當執臣節無為不

義也遂卒

魏武王名襄弋仲子也弋仲卒襄率眾來歸詔屯譙城

載記曰姚襄弋仲第五子也庚戌趙石祗稱帝於襄國以弋仲為

親趙王襄雄勇多才略士民多受之請弋仲以為嗣弋仲以襄非

長子不許請者曰以千數弋仲乃使之將兵祗以襄為驃騎將軍

豫州刺史新昌公趙王祗為閔圍弋仲遣襄帥騎二萬八千救之

且誠之曰汝才十倍於閔若不梟擒不必復見我也襄敗閔軍還

灑頭弋仲以其不擒閔也而杖之一百弋仲遣使降晉封高陵郡

公又以襄為持節平北將軍都督并州諸軍事并州刺史平鄉縣

公弋仲卒襄秘不發喪帥戶六萬南攻陽平元城發于破之屯于

碣磔津即濟陽郡城以王亮為長史尹赤為司馬薛贇權翼為參軍襄

與秦兵戰敗亡三萬餘戶南至滎陽始發喪又與秦將高昌李歷

戰于麻田馬中流矢而斃弟萇以馬授襄得免襄遂帥眾歸晉詔

襄屯譙城襄單騎渡淮見謝尚于壽春尚聞其名命去仗衛幅巾

待之歡若平生襄博學喜談論江東人士皆重之六月尚及襄共

攻秦將張遇於許昌不利而還

九年癸丑秋七月殷浩遣兵襲姚襄不克冬十月遂率諸軍北伐襄邀擊敗之浩走譙城

姚襄屯歷陽以燕秦方強未有北伐之志乃夾淮廣興屯田訓厲將士殷浩在壽春惡其強盛囚襄諸弟屢遣刺客刺之刺客皆以情告襄浩潛遣將軍魏憬帥眾五萬襲之襄斬憬并其眾浩愈惡之遷襄于梁國蠡臺在睢陽縣表授梁國內史魏憬子弟數往來壽春襄益疑懼遣參軍權翼使於浩與之通好十月浩率諸軍北伐苻健以襄為前驅襄度浩將至偽遁而陰伏甲以邀之浩聞而追襄至山桑襄縱兵擊之浩大敗棄輜重走保譙城襄俘斬萬餘悉收其資仗使兄益守山桑襄復如淮南

十二月姚襄徙屯盱眙

襄濟淮屯盱眙招掠流民眾至七萬分置守宰勸課農桑遣使建康罪狀殷浩并自陳謝詔以謝尚鎮歷陽

天台胡氏曰姚襄所為僅如此而晉人已為之震懼宜為姦雄之竊笑也以謝尚得襄之歡心既以招撫之又以備之

十年甲寅春二月姚襄叛降於燕夏五月江西流民叛降姚襄

二月姚襄叛遣使降燕五月江西流民郭敞等千餘人執陳留內史劉仕降於襄建康震駭詔屯兵中堂謝尚自歷陽還衛京師固江備守時桓溫與秦兵戰不利而還

十六年乙卯夏四月姚襄據許昌

襄所部多勸襄北還襄從之五月襄攻冠軍將軍高季於外黃會季卒襄進據許昌

十二年丙辰春二月以桓溫爲征討大都督督諸軍討姚襄秋八月桓溫敗姚襄於伊水遂入洛陽置戍而還襄北走據襄陵

二月詔桓溫督諸軍以討襄四月襄自許昌攻周成於洛陽踰月不克八月溫軍至伊水襄撤圍拒之溫親督戰襄衆大敗死者數千人襄帥麾下數千騎奔于洛陽北山其夜民棄妻子隨襄者五千餘人襄勇而愛人雖戰屢敗民知襄所在輒扶老携幼奔馳而赴之溫軍中傳言襄病餒已死許洛士女爲溫所得者無不北望而泣襄西走溫追之不及弘農楊亮自襄所奔溫溫問襄之爲人亮曰襄神明器守孫策之儔而雄武過之周成帥衆降溫襄奔平陽秦并州刺史尹赤復以衆降襄遂據襄陵大將軍張平擊之襄爲平所敗乃與平約爲兄弟各罷兵

沈溺而不拯救之萇乃從紳謀萇自稱大將軍大軍于萬年秦王改元白雀稱制行事以尹詳龐演爲左右長史姚晃及尹緯爲左右司馬狄伯成等爲從事中郎羌訓等爲掾屬王據等爲參軍王欽盧姚方成等爲將軍

尹氏曰苻堅敗北群寇乘之如蝟毛而起然慕容垂姚萇一也垂旣書叛萇乃書起兵何也垂受堅知遇之厚非萇之北堅使能用其謀輕敵敗死萇方恐懼遣使謝罪堅乃怒而殺之是驅之使亂也故書起兵以原其本無叛意爾然堅驕淫失道自致敗滅故翟斌泓冲等皆以起兵書之又以爲强大不務德而黷武者之鑒也

六月秦王堅擊後秦敗之

後秦王苻萇進屯北地秦華陰北地新平安定羗胡降之者十餘萬
六月秦王堅自帥眾擊之軍于趙氏塢使將軍楊璧等分道攻之
萇兵屢敗斬萇弟尹買萇軍中無井秦人塞安公谷堰同官水以
困之萇兵有渴死者會天大雨營中水三尺萇軍復振秦王堅嘆
曰天亦助賊乎時慕容泓為其下所殺立泓弟冲為主萇遣子嵩
為質於冲以請和欲連兵以斃秦且萇復帥眾七萬擊秦堅遣楊
璧等拒之為萇所敗獲楊璧及將軍徐成毛盛等數十人萇皆禮
而遣之慕容冲進兵逼長安秦王堅乃引兵歸

冬十月後秦王苻萇攻新平

後秦王苻萇聞慕容冲攻長安會群僚議進止皆曰大王宜先取長
安建立根本然後經營四方萇曰不然燕人因其眾有思歸之心
以起兵若得其志必不久留關中吾當移屯領北廣收資費以待
秦亡燕去然後拱手取之耳乃留長子興守北地使寧北將軍姚
穆守同官川自將其眾攻新平新平太守苟輔欲降郡人馮傑等
勸之固守萇攻之不克輔詐降以誘萇將入城 覺之而返輔伏
兵邀擊幾獲之又殺萬餘人

十年乙酉秋七月後秦攻秦新平拔之

正月慕容冲僭號于阿房是為西燕萇留諸將攻新平自引兵擊安定
擒秦安西將軍勃海公珍嶺北諸城悉降之三月新平糧竭萇使
人說苟輔帥眾五千出城萇圍而阬之男女無遺

秋七月後秦圍五將山執秦王堅以歸八月後秦王苻弒秦王堅

五月秦王堅爲西燕王冲所敗留太子宏守長安出犇五將山六月宏棄城走冲入據長安萇自故縣如新平秋七月堅至五將山萇遣驍騎將軍吳忠帥騎圍之執堅送詣新平八月萇求傳國璽於秦王堅曰萇次應歷數可以爲惠堅瞋目叱之曰小羌敢逼天子五胡次序無汝羌名胡羯鮮卑氏羌五胡之次序也無汝羌名謂讖文耳姚萇自謂應次歷數堅故亦以讖文爲言璽已送晉不可得也萇復遣司馬尹緯說堅求爲禪代璽七人堅曰禪代聖賢之事姚萇叛賊何得爲之堅自以平生遇萇有恩尤忿之數罵萇求死辛丑萇遣人縊堅于佛寺堅子不僭號于晉陽十月西燕王冲遣其尚書令高蓋帥衆五萬伐萇戰于新平南蓋大敗降于萇

尹氏曰萇前日叛秦書起兵者迫於自救故原情而恕其罪也今日殺堅則書弑者已實臣之故正名而定其罪也

十一年

丙戌

夏四月後秦王萇取長安稱皇帝

三月後秦王萇如安定西燕王冲欲久在長安不歸鮮卑咸怨之燕人殺冲而立段隨慕容永復殺隨而立慕容顛爲燕王帥衆去長安而東於是長安空虛前滎陽太守高陵趙毅等招杏城盧水胡郝奴帥戶四千入于長安渭北皆應之以毅爲丞相扶風王麟有衆數千保據馬蒐郝奴遣其弟多攻之四月萇自安定伐之麟奔漢中萇執多而進奴懼請降於是萇稱皇帝于萇安改元建初國號大秦置百官萇與群臣宴酒酣言曰諸卿皆與朕北面秦朝今忽爲君臣得無耻乎趙遷曰天不耻以陛下爲子臣等何耻爲臣萇大笑

秋七月

後秦主苻徙安定五千餘戶於長安七月秦平涼太守金熙安定都沒奕干與後秦左將軍姚方城戰于孫丘谷方成兵敗後秦主苻以其弟緒為司隸校尉鎮長安自將至安定擊熙等大破之

十六年

後秦建初六年辛卯

冬十二月秦主登攻安定後秦主苻擊敗之

秦主登攻安定後秦主苻如陰密以拒之苻敗登於安定城東登退據路永堡苻置酒高會諸將皆曰若值魏武王不令此賊至今陛下將牢太過耳苻笑曰吾不如亡兄有四身長八尺五寸臂垂過膝人望而畏之一也將十萬之眾與天下爭衡望麾而進前無橫陳二也溫古知今講論道藝收羅英俊三也董帥大眾上下咸悅人盡死力四也所以得建立功業驅策群賢者正望筭畧中有片長耳群臣咸稱萬歲

晉書史臣曰自長江徙御化龍創業巨寇乘機而恭寧戎馬交馳

而不息晦蠻氛於六漠鼓洪流於八際天未厭亂凶旅實繁弋仲

越自金方言歸石氏抗直詞於暴主闡忠訓於危朝貽厥之謀在

乎歸順鳴哀之義有足稱焉景國襄弱歲英奇見方孫策詳其幹

識無忝斯言遽踐速途良可悲矣景茂苻因仲襄之緒躡存亡之

會嘯命群豪恢弘霸業假容冲之銳俯定亟秦因挫雷惡之鋒載

寧東北左茲奸略實冠凶徒列樹而表新營雖云効績存棘而陵

舊主何其不仁安枕而終斯為幸也與泓別見

贊曰弋仲剛烈終表奇節襄寔英果苻惟姦桀興始崇構泓遂摧

滅貽戒將來無踐危轍

學海君道部卷之一百六十八

創業類

偽命分爭 五

晉末十六國章

前凉張氏據河西章

武王張軌晉惠帝時為散騎帝侍

晉書載記曰軌少好學與皇甫謐秦始初受叔父錫官五品中書監張華與軌論經義政事甚器之衛將軍楊珧辟為掾除太子舍人累遷散騎常侍

崔鴻錄曰軌少舉明經拜宮守舍人與京兆杜預以聽汪易遣之太康中為尚書郎太子洗馬中庶子惠帝時遷散騎常侍征西軍

司馬

惠帝永寧元年辛酉春正月以張軌為涼州刺史

張軌以時方多難有保據河西之志故求為涼州刺史時州境盜賊縱橫鮮卑為寇軌至以宋配氾瑗為謀王悉討破之威著西

土載記曰軌以時方多難陰圖保據河西追竇融故事筮之遇泰之觀乃投筮喜曰霸者之兆也於是求為涼州公卿亦舉軌才

堪御遠永寧初出為護羌校尉涼州刺史

天台胡氏曰嗚呼世亂則人思自全而不能自全者亦多矣竇

融張軌之求出河西此求全而得全者也謝晦袁顛之求全而

鎮荆襄此求全而不能自全者也蓋竇融張軌始終一心以奉

漢晉此固宜永終福祿詒及子孫者也謝晦袁顛志在據地險

以全身其用心非矣天所不與也然劉焉求牧益州袁紹思圖

冀部石敬瑭心欲河東皆以之潛規非望至其成敗久速則有

非智慮所及者

二年乙丑夏六月鮮卑寇涼州張軌遣兵擊平之

六月朝廷以張輔為秦州刺史輔至秦州殺天水太守封尚欲以

立威又召隴西太守韓稚稚子朴勒兵擊輔輔軍敗死涼州司馬

楊胤言於張軌曰韓稚擅殺刺史明公杖鉞一方不可不討春秋

之義諸侯相滅亡桓公不能救則桓公耻之軌從之遣中督護氾

瑗帥眾二萬討稚先遣稚書曰今王綱紛撓牧守互戮力勒王適

得雍州檄云卿稱兵內侮吾董任一方義在伐叛武旅三萬駱驛

繼發伐木之感心豈可言古之行師全國為上卿若單馬軍門者

當與卿共平世難也稚得書而降未幾鮮卑若羅拔能寇涼州軌

遣司馬宋配擊之斬拔能俘十餘萬口威名大振

史言張軌能尊主懷夷以致疆盛

朝廷遣加安西將軍封安樂鄉侯邑千戶於是大城姑臧

懷帝永嘉二年戊辰春二月涼州刺史張軌使其子茂攝州事

張軌病風口不能言使其子茂攝州事隴西內史晉昌張越涼州

大族讖言張氏霸涼自以才力應之遂託病歸河西陰圖代軌與

其兄酒泉太守鎮及西平太守曹祛謀遣使詣長安言曰陽王模

彌軌廢疾請以秦州刺史賈龕代張軌而龕將受之其兄讓龕曰

張涼州一時名士威著西州汝何德以代之龕乃止鎮祛上疏更

請刺史未報遂移檄廢軌以軍司杜耽攝州事使耽表越為刺史

軌下教曰吾在州八年不能綏靖區域又值中州兵亂秦隴倒懸

加以寢患委篤寔思歛迹避賢但負荷任重未便輒遂不圖諸人

橫興此變是不明吾心也吾視去貴州如脫屣耳欲遣主簿尉

奉表詣闕便速脂轄將歸老互陽長史王融參軍孟暢踰折鎮檄

排閣入言曰晉室多故明公撫寧西夏張鎮兄弟敢肆凶逆互聲

其罪而戮之不可成其志也軌嘿然融等出戒嚴會軌子寔自京

師還乃以寔為中督護將兵討鎮鎮甥大府主簿令狐亞先往說

鎮曰舅何不審安危明成敗主公西河著德兵馬如雲此猶烈火

已焚待江漢之水溺於洪流望越人之助其何及哉今數萬之軍

已臨近境今唯全老親存門戶輔誠歸官必保萬全之福鎮流涕

曰人誤我也少委罪功曹魯連而斬之請寔歸罪寔南擊曹祛走

之朝廷得鎮祛疏以侍中袁瑜為涼州刺史治中楊澹馳詣長安

割耳盤上訴軌之被誣南陽王模表請停瑜武威太守張璠亦遣

子坦馳詣京上表曰魏尚安邊而獲戾充國盡忠而被譴皆前史之所譏今日之明鑒也順陽之為劉陶守闕者十人刺史之莅臣州若慈母之於赤子百姓之愛臣軌若旱苗之得膏雨伏聞信惑流言當有遷代民情嗷嗷如失父母今戎夷猾夏不宐搔動一方詔依模所表且命誅曹祛張坦至自京師優詔勞軌軌大悅赦州內殊死已下命寔帥宋配步騎三萬討祛別遣從事田迥王豐率騎八百自姑藏西南出石驢據長寧祛遣麴晃距戰于黃阪寔詭道出法疊戰于破羌軌斬祛及牙門田囂張越犇鄴凉州乃定軌遣治中張閭送義兵五千及郡國貢奉器甲方物歸于京師

夏五月漢王彌寇洛陽張軌遣督護北宮純入衛擊破走之

漢王淵遣其將王彌等寇掠青徐豫交四州所過攻陷郡縣張軌

遣督護北宮純將兵衛京師彌至洛陽詔以王衍都督諸軍北宮

純募勇士百餘人突陳彌兵大敗衍遣王秉追之戰于七里澗又

敗之彌走還平陽純復與劉聰戰于河東敗之京師歌之曰凉州

大馬橫行天下凉州鳴苕寇賊消鴟苕翩翩怖殺人詔封軌西平

郡公軌辭不受時州郡之使莫有至者軌獨貢獻不絕

劉氏曰書入衛何予義也於是王衍督師純募勇士突陳彌兵

大敗衍復使王秉追敗之不書書純予義也

三年己未冬十月漢復寇洛陽北宮純擊敗之

十月漢劉聰復寇洛陽北宮純等夜帥勇士千餘人出攻漢壁斬

其將呼延顥

四年庚午冬十月以凉州刺史張軌為鎮西將軍

詔加張軌鎮西將軍都督隴右諸軍事封霸城侯光祿大夫傳祇
太常摯虞遺軌書告京師飢匱軌卽遣叅軍杜勳獻馬五百匹紵
布三萬匹

五年

辛未

夏育漢人入寇陷洛陽遷帝于平陽

石勒大敗晉兵殺王衍并四十八王朝廷進張軌車騎大將軍開
府辟召儀同三司策未至而漢兵陷洛陽天子被執軌遣北宮純
等率精騎五千入衛長安七月劉曜寇長安南陽王模出降曜殺
之遂據長安純等皆降于漢是時中州避難至涼州者日月相繼
軌分武威置武郡以居之

六年

壬申

春二月張軌遣兵諸長安

馮翊太守索綝等擊敗漢兵於長安迎秦王業入雍城太府主簿

馬勳言於軌曰四海傾覆乘輿未反明公以全州之力徑造平陽
必當萬里風披有征無戰未審何憚不爲此舉軌曰是孤心也又
又聞秦王入關乃馳檄關中曰主上遘危遷幸非所普天分崩率
土喪氣秦王天挺聖德神武應期世祖之孫王今爲長凡我晉人
食土之類龜筮克從幽明同欵互簡令辰奉登皇位令遣前鋒督
護宋配步騎二萬徑至長安翼衛乘輿折衝左右西中郎寔中軍
三萬武威太守張璠胡騎二萬絡驛繼發仲秋中旬會于臨晉而
雍州刺史賈疋等進圍長安漢劉曜敗走秦王業入長安九月賈
疋等奉秦王爲皇太子遣使拜軌爲驃騎大將軍儀同三司軌辭
遣使重申前授固辭癸酉秦州刺史裴苞據險以拒涼州兵軌遣
張寔宋配等擊破之苞犇柔凶塢夏四月皇太子卽位

是爲愍帝

進軌

位司空固辭

愍帝建興二年甲戌春二月以張軌為大尉涼州牧

二月壬寅詔遣大鴻臚辛攀拜軌侍中太尉涼州牧封西平郡公

本傳曰軌又固辭朝廷復以軌老病拜其子寔為副刺史

夏五月太尉涼州牧西平公張軌卒

軌寢疾遺令文武將佐務安百姓上思報國下以寧家己丑軌薨私謚曰武公祚稱王改元追謚曰武王

昭王名寔軌子也軌卒寔嗣

張寔軌之長子也初以秀才為郎中遷驍騎將軍永嘉中固辭歸

涼州許之改授議郎及至姑臧以討曹祛功封建武亭侯尋遷西

中郎將進爵福祿縣侯建興初除西中郎將領護羌校尉朝廷以

軌老病拜寔為副刺史軌率長史張璽等表寔辭父位

十六國春秋曰愍帝下策書曰維乃文武公著勲西夏填胡賊校

猾侵逼近甸義兵銳卒萬里相尋方貢遠珍府無虛歲方委專征

蕩清九域吳天不弔凋余藩后朕用悼厥心維爾與劭英毅宣世

表西海今授持節都督涼州諸軍事西中郎將涼州刺史領護羌

校尉西平公往欽哉其聞弘先緒俾屏王室

建興三年乙亥冬十月張寔得璽獻之

蘭池長趙與以軍士張水得璽文曰皇帝行璽獻於張寔僚屬皆

賀寔曰是非人臣所得留歸于長安本傳曰璽僚上慶稱德實曰孤常念表本初授別諸君何

忽有此言因送于京師

天台胡氏曰是時諸征鎮能知君臣之分者張氏父子而已

四年^{丙子}夏四月張寔遣兵入授

張寔下令所部吏民有能舉其過者賞以布帛羊米賊曹佐隗瑾曰明公為政事無巨細皆自決之羣下畏威受成而已如此雖賞千金終不敢言也謂宜少損聰明延訪羣下使各盡所懷則嘉言自至何必賞也寔悅從之增瑾位二等實遣將軍王該師步騎五千入授長安且送諸郡貢討詔拜實都督陝西諸軍事

尹氏曰春秋之法凡善救未有不善者然於救之中又有不得而槩論焉救在王室則罪諸侯子突救衛是也救在遠國則罪四鄰晉陽處父救江是也是時虜寇滔天晉室危如累卵四方征鎮擁兵自固未聞有勤王之舉實遠在河西乃能遣兵入援綱目據事書之近地諸鎮得無愧乎美在遠者則責在近者此

固書法之深意也

又曰自胡羯交亂懷歎蒙塵未聞遠近有勤王之師獨寔前遣兵入援至於長安不守諸軍逃散惟涼州義眾守死不移今又遣將伐賊雖卒不能進然綱目書之若真能伐漢然者蓋予其忠義之節所以遂其本志云爾書法若此其為斯世勸也多矣

元帝建武元年^{丁丑}春正月張寔遣司馬韓璞將兵伐漢

鑑

黃門郎史淑侍御史王冲自長安犇涼州稱愍帝出降前一日使淑等齎詔賜張寔拜寔大都督涼州牧侍中司空承制行事且曰朕已詔琅邪王時攝大位君其協贊琅邪共濟多難淑等至姑臧寔大臨三日辭官不受遣太府司馬韓璞撫戎將軍張閬等帥步騎一萬東擊漢命討虜將軍陳安安定太守賈騫隴西太守吳紹

各統羣兵為璞等前驅又遣相國南陽王保書曰王室有事不忘
投軀前遣賈騫瞻公舉動中被符命救騫還軍俄聞寇逼長安胡
崧不進麴允持金五百請救於崧遂決遣騫等進軍度嶺會聞朝
廷傾覆為忠不遂憤痛之深死有餘責今更遣璞等唯公命是從
璞等卒不能進而還至南安郡治獬道縣諸羗斷路相持百餘日糧竭
矢盡璞帥眾進戰會張閬帥金城兵繼至夾擊大敗破之斬首數
千級先是長安謠曰秦川中血沒腕唯有涼州倚柱觀及漢兵覆
關中氏羗掠隴右雍秦之民死者什八九獨涼州安全

元帝太興元年戊寅春三月晉王即皇帝位張寔遣使上表

晉王即皇帝位於江東時焦嵩陳安舉兵逼上邽南陽王保遣使
告急於張寔寔遣金城太守竇濤督步騎二萬赴之軍至新陽聞

愍帝崩保謀稱尊號破羗都尉張詵言於寔曰南陽王國之流
忘其大耻而亟欲自尊必不能成功晉王近親且有名德當帥天
下以奉之寔從之遣牙門蔡忠奉表詣建康比至帝已即位然寔
竟不用江東年號猶稱建興

二年己卯夏四月南陽王保自稱晉王

南陽王保自稱晉王改元建康以張寔為征西大將軍開府儀同
三司陳安自稱秦州刺史降于漢又降于成上邽大饑士眾困迫
張春奉保之南安祁山寔遣韓璞帥步騎五千救之陳安退保緜
諸道前漢屬天水郡保歸上邽未幾保復為安所逼寔遣其將宋毅救之
安乃退

三年庚辰夏四月涼州殺其刺史張寔

正月晉王保為趙主劉曜所攻遷于桑城張春謀奉保犇涼州寔遣其將陰監將兵迎之聲言翼衛其實拒之五月保為張春所殺保眾散犇涼州者萬餘人六月寔為其帳下閻涉等所弑謚曰昭公元帝賜謚曰元祚稱王改元追謚曰昭王
戎王名茂寔弟也

張茂寔之幼子建興癸酉南陽王保辟從事中郎又薦為散騎侍郎中壘將軍皆不就甲戌朝廷徵為侍中以父老固辭尋拜平西將軍秦州刺史庚辰六月寔帳下閻涉等謀殺寔奉妖人劉弘為主茂知其謀請誅弘寔遣令史初收之未至而寔為涉所弑初執弘而誅之并其黨與數百人左司馬陰元等以寔子駿尚幼推茂為涼州刺史西平公以駿為撫軍將軍
本傳曰寔既遇害州人推茂為大都督太尉涼州牧

茂不從但受使持節平西將軍涼州牧乃誅閻涉及黨與數百人赦其境內復以兄子駿為撫軍將軍西平公

厄言曰家國之興豈非天乎無論盛帝明王英君詎辟父子兄弟奔世載德即僭國偽朝代不乏入故是以禦外侮而綏厥家若孫策之有權也司馬師之有照也與天高澄之有洋也劉聰之有曜李特之有雄也姚襄之有襄張寔之有茂也載亂定傾危而復存蓋若天所命焉

永昌元年壬午冬十二月張茂取隴西南安置秦州

辛巳二月張茂築靈鈞臺閻曾叩門而諫茂為之罷役壬午二月

陳安叛趙自稱涼王隴上氏羗皆附于安十一月元帝崩明帝即

位十二月茂使將軍韓璞帥眾取隴西南安之地置秦州
南陽王保既死

陳安不能自茂遂取之

明帝太寧元年未秋八月趙擊涼州張茂降趙封茂為涼王

六月趙主曜攻陳安斬之取隴城上邽諸郡八月趙主曜自隴上

西擊涼州遣其將劉咸攻韓璞於冀城呼延晏攻寧羗護軍陰鑿

於桑壁曜自將戎卒二十八萬軍于河上列營百餘里茂臨河諸

戎皆望風奔潰曜揚聲欲百道俱濟直抵姑臧涼州大震參軍馬

岌勸茂親出拒戰長史汜禘怒請斬之岌曰明公父子欲為朝廷

誅劉曜有年矣今曜自至遠近之情共觀明公此舉當立信勇之

驗以副秦隴之望力雖不敵勢不可以不出茂曰善乃出屯石頭

在姑臧城東茂謂參軍陳珍曰劉曜舉三秦之眾乘勝席卷而來言新

安乘勝而來也將若之何珍曰曜兵雖多精卒至少大抵皆氐羗烏合之

眾恩信未洽且有山東之虞安能捨其腹心之疾曠日持久與我

爭河西之地邪若二旬不退珍請得斃卒數千為明公擒之茂

使珍將兵救韓璞趙諸將爭欲濟河趙主曜不可令案甲勿動以

待茂降茂尋遣使稱藩獻馬牛羊珍實不可勝紀曜拜茂侍中都

督涼南北秦梁益巴漢隴右西域雜夷匈奴諸軍事大帥涼州牧

封涼王加九錫是歲茂大城姑臧

趙涼王張茂城姑臧

張茂大城姑臧修靈均臺別駕吳紹諫曰明公所以修城築臺者

蓋懲既往之患耳愚以為苟恩未洽於人心雖處層臺亦無所益

適足以疑羣下之志示怯弱之形耳茂曰王公設險勇夫重閉古

之道也卒為之

二年甲夏五月趙涼王張茂卒

二年甲夏五月趙涼王張茂卒

五月甲申張茂病執世子駿手泣曰吾家世以孝友恭順著稱今雖天下大亂汝奉承之不可失也且下令曰吾官非王命苟以集之日當以白袷衣服入棺勿以朝服歛是夕薨謚曰成公丘氏濬曰張氏世忠晉室其卒也皆書爵而於茂獨不書者何原其心也觀茂臨終謂其子曰晉室雖微汝奉承之不可失又下令曰吾官非王命苟以集事死之日勿以朝服殮則其降趙而受封爵非其本心明矣

文王名駿茂世子茂卒駿嗣

張駿寔之子也寔卒茂嗣位以駿爲撫軍將軍尋策立爲世子駿卒時愍帝使者史淑在姑臧左長史汜禘右長史馬謨等使淑拜駿大將軍涼州牧西平公赦其境內前趙主曜遣使贈茂太宰諡曰成烈王拜駿上大將軍涼州牧涼王

十二月張駿遣使聘於趙

增

涼州將主晏據抱罕不服張駿將討之從事劉慶諫曰霸王之師必須天時人事相得然後乃起辛晏凶狂安忍其亾可必奈何以饑年大舉盛寒攻城乎駿乃止駿遣參軍王隲聘於趙趙主曜謂之曰貴州疑誠和好卿能保之乎隲曰不能侍中徐邈曰君來結好而云不能保何也隲曰齊桓貫澤之盟憂心兢兢諸侯不召自至葵丘之會振而矜之叛者九國趙國之化常如今日可也若政教陵遲尚未能察邇者之變况鄙州乎曜曰此涼州之君子也擇使可謂得人矣厚禮而遣之

三年乙酉春二月張駿復收河南地

鑑

張駿承元帝凶問大臨三日會黃龍見嘉泉汜禘等言於駿曰案建興之年是少帝始起之號帝以凶終理應改易朝廷越在江南音問隔絕宜因龍改號以章休祥駿不許辛晏以抱罕降駿復收河南之地七月明帝崩成帝卽位

成帝咸和元年

丙戌

冬十二月張駿遣使修好于成

鑑

張駿畏趙人之逼是歲徙隴西南安民二千餘家于姑藏又遣使修好于成以書勸成主雄去尊號稱藩於晉雄復書曰吾過爲士大夫所推然本無心於帝王思爲晉室元功之臣掃除氛埃而晉室陵遲德聲不振引領東望有年月矣會獲來貺情在闇至有何已已自是聘使相繼

二年丁酉夏五月張駿遣兵攻趙擊敗之遂取河南地

張駿聞趙兵爲後趙所敗乃去趙官爵復稱晉大將軍涼州牧遣武威太守竇濤金城太守張閬武興太守辛巖楊烈將軍宋輯等帥衆數萬會韓璞攻掠趙秦州諸郡趙南陽王胤將兵擊之屯狄道抱罕護軍辛晏告急秋駿使韓璞辛巖救之璞進度沃千嶺巖欲速戰璞曰夏末以來日星數有變不可輕動且曜與石勒相攻胤必不能久與我相守也與胤夾管相持七十餘日十月璞遣辛巖督運於金城胤聞之曰韓璞之衆十倍於吾吾糧不多難以持久今虜兵運糧天授我也若敗辛巖璞等自潰乃帥騎三千襲巖于沃千嶺敗之遂前逼璞衆大潰胤棄勝追奔濟河攻拔管璞令居斬首二萬級進據振武河西大駭張閬辛晏帥其衆數萬降趙駿遂失河南之地

三年^{戊子}秋八月

後趙中山公虎帥眾擊趙河東趙主曜遣河間王述發氏羗之眾屯秦州以備張駿揚難敵自將大軍與虎戰大破之駿治兵欲乘虛襲長安理曹郎中索詢諫曰劉曜雖東征其子胤守長安未易輕也借使小有所獲彼若釋東方之圖還與我校禍難之期未可量也駿乃止十二月後趙王勒大破趙兵於洛陽獲趙主曜殺之

五年^{庚寅}夏六月趙以張駿為涼州牧

張駿因前趙之亡復收河南地至於狄道置五屯護軍與趙分境六月趙遣鴻臚孟毅拜馬征西大將軍涼州牧加九錫駿恥為之臣不受留毅不遣及休屠王羗叛趙趙河東王石生擊破之羗奔涼州駿始懼乃遣孟毅還使其長史馬詵稱臣入貢於趙

七年^{壬辰}秋趙涼州牧張駿立其子重華為世子

涼州僚屬勸張駿稱涼王領秦涼二州牧置公卿百官如魏武晉文故事駿曰此非人臣所宜言也敢言此者罪不赦然境內皆稱之為王駿立次子重華為世子

八年^{癸巳}冬十二月張駿遣張淳來上表

初張駿欲假道於成以通表建康成主雄不許駿乃遣治中從事張淳稱藩於成以假道雄偽許之將使盜覆諸東峽蜀人橋贊密以告淳淳謂雄曰寡君使小臣行無迹之地萬里通誠於建康者示眾目曰涼州不忘舊德通使琅邪主聖臣明發覺殺之如此則義聲遠播天下畏威今使盜殺之江東威刑不顯何足以示天下

乎雄大驚曰安有此邪司隸校尉景騫言於雄曰張淳壯士請留
之雄曰壯士安肯留且試以卿意觀之騫謂淳曰卿體豐大天熱
可且遣下吏小住須涼淳曰寡君以皇輿播越梓宮未返生民塗
炭莫之振救故遣淳通城上都所論事重非下吏所能傳使下吏
可了則淳亦不來矣雖火山湯海猶將赴之豈寒暑之足憚哉雄
謂淳曰貴主英名蓋世土險兵彊何不亦稱帝自娛一方淳曰寡
君祖考以來世篤忠貞以仇耻未雪枕戈待旦何自娛之有雄甚
慙曰我之祖考本亦晉臣遭天下大亂與六郡之民避難此州爲
衆所推遂有今日琅邪若能中興大晉於中國者亦當帥衆輔之
厚爲淳禮而遣之淳卒致命於建康長安之失守也敦煌討吏耿
訪自漢中入江東屢上書請遣大臣慰撫涼州朝廷以訪守侍書

史拜張駿鎮西大將軍選隴西賈陵等十二人配之訪至梁州
道不通以詔書付賈陵詐爲賈客以達之是歲陵始至涼州駿遣
部曲督王豐等報謝

九年

甲午

春三月以張駿爲大將軍

二月丁卯詔遣耿訪爲王豐齎印綬授張駿大將軍都督陝西雍
秦涼州諸軍事自是每歲使者不絕

咸康元年

乙未

冬十月張駿遣使上疏請北伐

初張軌及二子寔茂雖保據河右而軍旅之事無歲無之及張駿
嗣位境內漸平駿勤修庶政總御文武咸得其用民富兵彊遠近
稱之以爲賢君駿遣將楊宣伐龜茲鄯善於是西域諸國焉耆于
寘之屬皆詣姑藏朝貢駿於姑藏南作五殿官屬皆稱臣駿有兼

秦雍之志遣參軍翹護上疏以為勒雄既死虎期繼逆兆庶離王
漸染經世先老消落後生不識慕戀之心日遠日忘乞敕司空鑒
征西亮等汎舟江沔首尾齊舉自後駿遣使多為趙所獲不達

劉氏曰駿自嗣立嘗書遣張淳上表矣於是又書上疏請北伐
綱目悉書之予義也

五年

巴冬張駿立辟雍明堂

劉氏曰辟雍天子之學明堂王者之堂豈臣子所得為哉書曰
張駿立辟雍明堂而義貶義自見矣

穆帝永和元年

巴冬十二月張駿自稱涼王

咸康壬寅六月成帝崩康帝即位建元甲辰九月康帝崩穆帝即
位永和乙巳十二月張駿以世子重華為涼州刺史之歲駿分境

內二十二郡三營為涼河沙州駿自稱大都督大將軍假涼王
攝之始置祭酒等官車服擬於王者

二年

丙午夏五月涼王張駿卒

張駿在位二十二年卒年四十謚曰文公穆帝追謚曰忠成公作
稱王改元追謚文王

庾言曰觀通鑑所紀張駿稱假涼王車服擬於王者實未嘗稱
王也故重華之立猶曰西平公假涼王然綱目書曰駿稱涼王
又曰涼王張駿卒成其為王者何蓋王號不可假也况駿之先
曾受趙封爵為涼王乎

明王名重華駿世子駿卒重華立

張駿卒官屬上世子重華為使持節大都督太尉護羌校尉涼州

牧西平公假涼王赦其境內尊母嚴氏爲王太后

趙攻涼州張重華遣主簿謝艾將兵迎戰大破之

後趙遣將軍王擢麻秋擊張重華襲武街執護軍曹權胡宣徙七千餘戶于雍州涼州刺史麻秋將軍孫伏都攻金城太守張冲請降涼州震恐重華悉發境內兵使征南將軍裴恒將之以禦趙恒壁於廣武久而不戰涼州司馬張耽言於重華曰國之存亡在兵兵之成敗在將今議者舉將多推宿舊夫韓信之舉非舊德也盖明主之舉舉無常人才之所堪則授以大事今彊寇在境諸將不進人情危懼主簿謝艾兼資文武可用以禦趙重華召艾問以方略艾願請兵七千人必破趙以報重華拜艾中堅將軍給步騎五十使擊秋艾引兵出振武進與趙戰大破之

夏四月趙攻涼州張重華遣謝艾將兵破之

趙麻秋攻枹罕晉昌太守郎坦欲棄外城武威太守張俊曰棄外城則動衆心大事去矣固守大城秋帥衆八萬圍之城中禦之秋衆死傷數萬退保大夏張重華遣謝艾帥步騎四三萬進擊大破之趙王虎復遣孫伏都帥步騎二萬會秋軍長驅濟河又大破之虎歎曰吾以徧師定九州今以九州之力困於枹罕彼有人焉夫可圖也

冬十月以張重華爲涼州刺史西平公

十月乙丑遣侍御史俞歸至涼州授張重華侍中大都督督隴右關中諸軍事涼州刺史西平公歸至姑臧重華欲稱涼王未肯受詔使所親沈猛私謂歸曰主公弈世爲晉忠臣今曾不如鮮卑何

也朝廷封慕容皝為燕王而主公纔為大將軍何以褒勸忠賢乎
明臺宜移河右共勸州主為涼王人臣出使苟利社稷專之可也
歸曰吾子失言昔三代之王也爵之貴者莫若上公及周之哀吳
楚始僭號稱王而諸侯不之非蓋以蠻夷畜之也借使齊晉稱王
諸侯豈不四面攻之乎漢高祖封韓彭為王尋皆誅滅蓋權時之
宜非厚之也皇上以貴公忠賢故爵以上公任以方伯寵榮極矣
豈鮮卑夷狄所可比哉且吾聞之功有大小賞有重輕今貴公始
繼世而為王若帥河右之眾東平胡羯修復陵廟迎太子返洛陽
將何以加之乎重華乃止

五年西秋九月張重華自稱涼王

涼州官屬共上張重華為丞相涼王雍秦涼三州牧

九年丑夏五月張重華攻秦上却拔之詔進重華涼州牧

二月張重華遣將軍張弘宋修會步騎王擢帥步騎萬五千伐秦
秦丞相雄拒之大敗涼兵虞弘修王擢棄秦州奔姑臧五月重華
復使擢帥眾二萬攻上却秦州郡縣多應之苻願戰敗奔長安重
華因上疏請伐 詔進重華涼州牧

冬十一月西平公張重華卒子曜靈立

張重華在位十一年卒謚曰昭公後改謚曰桓公穆帝賜謚曰敬
烈祚稱王改元追謚曰明王

卮言曰張重華已自稱涼王矣及卒而書西平公者重朝命也

涼王名祚重華庶兄也永和九年丑冬十二月涼州廢其主曜靈

立張祚為涼公詳繼永和十年涼王祚永和元甲寅春正月張祚自稱涼王

張祚自稱涼王改建興四十二年爲和平元年亡妻辛氏爲王后子太和爲太子置百官郊社天地用天子禮樂尚書馬岌切諫坐免官郎中丁琪復諫曰我自武公以來世守臣節抱忠履謙五十餘年故能以一州之衆抗舉世之虜師徒歲起民不告疲殿下勲德未高於先公而亟謀革命臣未見其可也彼士民所以用命四遠所以歸嚮者以吾能奉晉室故也今而自尊則中外離心安能以一隅之地拒天下之彊敵乎祚大怒斬之

庖言曰張氏之先茂嘗受趙封涼王矣及遺言官非王命則不自王也駿嘗自稱假涼王矣然車服擬王者則未真王也重華嘗自稱涼王矣然受晉命爲西平公涼州牧則未忘晉也至祚而王改元始建國擅命矣晉室寢微四方僭竊又何責於涼州惟祚以傾巧奉媚以淫虐失衆宜其覆亡之速也

總論

天台胡氏曰河西張氏乃心晉室奉建興年號至四十餘年張祚凶淫改元僭擬祖父之所不相也

庖言曰史稱河西張氏忠於晉室要之張氏非純忠也假義以自重耳軌以世亂保謀據河西豈非雄圖哉而一隅之地不足以抗天下之衆故託於勤王之義相時而動以待後人耳然則張氏祚之王非不繼志不度德也晉凡歷數世更數主矣而稱建興年號不改忠臣固如是乎

後涼呂光據酒泉章

太祖懿武皇帝呂光略陽氏人父婆樓爲秦太尉光以功歷遷將軍

載記曰呂光略陽氏父婆樓佐命苻堅官至大尉

事詳世系

光生而不

羣沉毅疑重寬簡有大量喜怒不形于色時人莫之識也唯王猛異之曰此非常人言之苻堅舉賢良除美陽令夷夏愛服遷鷹揚將軍晉穆帝升平戊午二月秦王堅自將討張平戰于銅壁平養子氐單馬大呼出入秦陳者四五堅募人生致之光刺氐中之因禽氐平衆大潰自是威名大震遷寧朔將軍帝奔太和戊辰春秦晉公柳趙公雙與燕公武魏公庾反于秦州秦將陽成世爲雙將苟興所敗秦王堅遣光與王鑿等帥衆三萬討之夏四月雙武乘勝至于榆眉以苟興爲前鋒王鑿欲速戰呂光曰興新得志氣勢方銳宜持重以待之彼糧盡必退退而擊之蔑不濟矣二旬而興果退光曰興可擊矣遂追之興敗因擊雙武大破之斬獲萬五千

級雙武皆奔上邽鑿等攻斬之而王猛拔蒲城斬柳與光等會

庾獲之庚午冬光從王猛滅燕以功封都亭侯苻重之鎮洛陽以光爲長史太元戊寅冬重謀反秦王堅聞之曰呂光忠正必不與之同卽馳使命光收重檻車送之長安赦之光尋入爲太子右率甚見敬重己卯三月晉將毛虎生帥衆擊巴中蜀人李烏聚衆二萬圍成都以應虎生秦王堅以光爲破虜將軍率兵討滅之遷步兵校尉庚辰四月苻洛反于和龍時苻重守薊堅召羣臣謀之光曰行唐公以至親爲逆此天下所共疾願假臣步騎五萬取之如拾遺耳堅曰重洛兄弟處東北一隅兵賦全資未可輕也光曰彼衆迫於凶威一時蟻聚耳若以大軍臨之勢必瓦解不足憂也堅乃遣使讓洛使還和龍洛對使不遜堅怒遣光及竇衝等討之苻

重悉薊城之衆與洛會屯中山五月光衡等與洛戰中山禽之重走還薊光追斬之幽州悉平

晉孝武帝太元七年秦建元十年秋九月秦遣將軍呂光將兵擊西域

九月車師前部王彌寔鄯善王休密馱入朝于秦請為鄉導以伐

西域之不服者因如漢法置都護以統理之秦王堅以呂光為使

持都督西域征討諸軍事與將軍姜飛彭晃杜進康盛等總兵千

萬鐵騎五千以伐西域

八年癸未冬十一月秦呂光攻龜茲

正月光發長安以鄯善王休密馱車師前部王彌寔為鄉導秦太

子宏執光手曰君器相非常必有大福宜深保愛行至高昌聞秦

王堅伐晉光欲更須後命部將杜進曰節下受任金方赴機宜速

有何不了而更留乎光乃進十一月秦晉大破秦兵于肥水秦王

堅走還長安十二月光行越流沙三百餘里自玉門出渡流沙行至鄯善北行至車

師又且未國在鄯善西其國之西北有流沙數百里進兵至焉耆其王泥流率其旁國請降

惟龜茲王帛純距光光軍其城南五里為一營深溝高壘廣設疑

兵以木為人被之以甲羅之壘上帛純驅徙城外人入于城中附

庸侯王各嬰城自守

九年甲申秋七月秦呂光大破龜茲入據其城

龜茲王帛純窘急重賂獯胡以求救獯胡王遣其弟訥龍侯將

帥騎二十餘萬并引温宿尉頭等諸國兵合七十餘萬以救龜茲

呂光與戰于城西大破之帛純出走王侯降者三十餘國光入其

城城如長安市邑宮室甚盛光撫寧西域威恩甚著遠方諸國前

世所不能服者皆來歸附上漢所賜節傳光皆表而易之立帛純弟震為龜茲王八月秦王堅聞光平西域以光為都督玉門以西諸軍事西域校尉道絕不通是年慕容冲大破秦兵

十年秦主丕大秋九月秦呂光還自龜茲擊涼州殺其刺史梁熙而

代之

二月呂光以龜茲饒樂欲留居之天竺沙門鳩摩羅什謂光曰此

凶亾之地不足留也將軍但東歸中道自有福地可居什知數知呂光必得

涼州之地而據之光乃大饗將士議進止眾皆欲還乃以駝二萬餘頭載

外國珍寶竒玩驅駿馬萬匹而還是時慕容冲稱帝于阿房六月

冲入長安秦王堅出奔五將山為後秦王苻所弒八月秦長樂公

丕稱帝于晉陽九月光自龜茲還至宜禾將屬晉秦涼州刺史梁

熙謀閉境拒之高昌太守楊翰言於熙曰呂光新破西域兵彊

銳聞中原喪亂必有異圖河西地方萬里帶甲十萬足以自保若

光出流沙其勢難敵高梧谷口險阻之要宜先守之而奪其水彼

既窮渴可以坐制如以為遠伊吾關亦可拒也度此二阨雖有子

房之策無所施矣熙弗聽光聞翰之謀懼不敢進杜進曰梁熙文

雅有餘機鑒不足終不能用翰之謀不足憂也宜及其上下離心

速進以取之光從之進至高昌楊翰以郡迎降至玉門熙移檄責

光擅命還師以子胤為鷹揚將軍與姚皓衛翰帥眾五萬拒光於

酒泉敦煌太守姚靜晉昌太守李純以郡降光光報檄掠州責熙

無赴難之志而還歸國之師遣彭晃杜進姜飛為前鋒與胤戰于

安彌破擒之於是四山胡夷皆附於光武威太守彭濟執熙以降

光殺之光入姑臧自領涼州刺史護羌校尉表杜進爲武威太守
自餘將佐各受職位涼州郡縣皆降於光獨酒泉太守宋皓西郡
太守宋泮城守不下光攻而執之泮不屈光逐泮及皓主簿尉祐
姦佞傾險與彭濟俱執梁熙光寵信之祐譖殺名士姚皓等十餘
人涼州人由是不悅光以祐爲金城太守祐至允吾縣屬金城郡襲據
其城以叛姜飛擊破之祐犇據與城扇動百姓夷夏多從之飛司
馬張象參軍郭雅謀殺飛應祐發覺逃犇

十一年

丙戌

春二月張大豫起兵攻姑臧

初張天錫之南犇也秦長水校尉王穆匿其世子大豫與俱奔河
西依秃髮思復鞬思復鞬送魏安魏安人焦松齊肅張濟等聚兵
數千人迎大豫爲主攻光昌松郡拔之勢太守王世強光使輔國

將軍杜進擊之進兵敗大豫進逼姑臧王穆諫曰光糧豐城固

兵精銳逼之非利不如席卷嶺西礪兵積粟然後東向與之爭不

及暮年光可取也大豫不從自號涼州牧使王穆說論嶺西諸郡

建康太守李暕祁連都尉嚴純皆起兵應之有衆三萬保據楊塢

夏五月張大豫自楊塢進屯姑臧城西王穆及秃髮思復鞬子奚

于帥衆三萬屯于城南光出擊大破之斬奚于等二萬餘級光謂

諸將曰大豫若用王穆之言恐未可平也諸將曰大豫豈不及此

邪皇天欲贊成明公八百之業故令大豫述於良筭耳光悅賜金

帛有差十一月張大豫自西郡入臨洮涼民五千餘戶保據俱城

冬十二月呂光自稱酒泉公

呂光自稱使持節侍中中外大都督督隴右河西諸軍事大將軍

領護匈奴中郎將涼州牧酒泉公

載記曰光至是始得秦主堅凶問奮怒哀號三軍縞素大臨於城

南長吏百石已上服斬衰二月庶人哭泣三日於是大赦境內建

元大安自稱酒泉公

十二年丁亥秋七月呂光殺張大豫呂光將彭晃徐晃攻張大豫于臨

洮

破之大豫奔廣武王穆奔建康八月廣武人執送大豫斬之穆襲

據酒泉自稱涼州牧

冬十二月呂光克酒泉

呂光西平太守康寧自稱匈奴王殺湟河太守強禧以叛張掖太

守彭晃亦叛東結康寧西通王壽光欲自擊晃諸將皆曰今康寧

在南伺釁而動若晃穆未誅康寧復至進退狼狽勢必大危光曰

實如卿言然我今不往是坐待其來也若二寇連兵東西交至則

城外皆非吾有大事去矣今晃初叛與寧穆情契未密出其倉猝

取之差易耳乃自帥騎三萬倍道兼行既至攻之二旬拔其城誅

晃初王穆起兵敦煌郭瑀與同郡索嘏起兵應之穆以嘏為敦煌

太守既而穆引兵攻嘏光聞之曰二虜相攻此成擒也不可以憚

屢戰之勞而失永逸之機也遂帥步騎二萬攻酒泉克之進屯涼

興穆引兵東還未至衆潰穆單騎走驛馬令郭文斬其首送之涼

州悉定

十四年己丑春二月呂光自稱三河王

呂光自稱三河王光時有涼州河西之地未能兼有三河也改元麟嘉置百官光妻石

氏子紹弟德世自仇池來至姑臧光立石氏為妃紹為世子

十七年壬辰秋九月三河王光克枹罕增

南羗彭奚念入攻白土都尉孫峙退奔興城三河王光遣其南中
郎將呂方及其弟右將軍呂寶振威將軍楊範強弩將軍寶苟攻
金城王乞伏乾歸方屯河北寶進師濟河為乾歸所敗寶及將士
死者萬餘人光又遣其子虎賁中郎將纂與寶苟率步騎五千南
擊彭奚念戰于盤夷大敗而歸光自將擊之又遣纂及楊執建忠
沮渠羅仇建武梁恭軍于左南奚念大懼於白土津累石為堤以
水自固遣精兵一萬距守河津光遣將軍王寶潛趣上津夜渡湟
河光濟自石堤攻枹罕克之奚念單騎奔甘松光引還

十九年壬辰秋七月三河王光以子覆為西域都護鎮高昌

初光徙西海郡人於諸郡至是謠曰朔馬心何悲念舊中心勞
雀何徘徊意欲還故巢頃之遂相扇動復徙之於西河
以高昌雖在西垂地居形勝外接胡虜易生致覆宜遣子弟鎮之
光以子覆為西域大都護鎮高昌命大臣子弟隨之

二十一年丙申夏六月三河王光即天王位

三河王光即天王位國號大涼改元龍飛備置百官以世子紹為
太子封子弟為公侯者二十人以中書令王詳為尚書左僕射著
作郎段業等五人為尚書

載記史臣曰自晉室不綱中原蕩析符氏乘釁竊號神州世明委
盾偽朝位居上將爰以心膂受賑遐征鐵騎如雲出玉門而長駘
瑯戈耀黃損金丘而老息葭爾夷陬承風霧卷宏圖壯節亦足稱

馬屬永固運銷群雄競起班師右地便有覬覦於是嬰結六戎潛
窺鴈鼎并吞五郡遂假鴻名控黃河以設險負玄漠而爲固自謂
克昌霸業貽厥孫謀尋而耄及政昏親離衆叛瞋目南爾農發蕭
墻紹纂凡才負乘致寇弘超兇狡職爲亂階永基庸庸回縛姚氏
昔竇融歸順榮煥累葉隗囂干紀靡終身世而光棄茲勝躅遵彼
覆車數十年間終致殘滅向使矯邪歸正革僞爲忠鳴檄而蕃晉
朝伏羲而誅醜虜則燕秦之地可定桓文之功可立郭磨段業豈
得肆其姦蒙遜烏孤無所窺其隙矣而猥竊非據何其謬哉夫天
地之德曰生聖人之大寶曰位非其人而處其位者其禍必速在
其位而忘其德者其殃必至天鑒非遠庸可濫也
贊曰金行不競實業斯屯瓜分九寓沴聚三秦呂氏伺隙欺我人

神天命難假終亦傾淪

學海君道部卷之一百六十九

創業類

匹十

偽命分爭

六

晉末十六國篇

南凉秃髮據河西章

烈祖武王秃髮烏孤河西鮮卑人其先與後魏同祖世為部帥

詳世系類

前

晉孝武太元十九年

甲午

春正月三河王光以秃髮烏孤為河西都統

秃髮烏孤雄勇有大志父思復韃卒烏孤代統其眾與大將紛陁

謀取凉州紛陁曰公必欲得凉州宜先務農講武禮俊賢修政刑

然後可也烏孤從

一河王呂光遣使拜烏孤冠軍大將軍河西

鮮卑大都督烏孤與其羣下謀之曰可受乎皆曰吾士馬衆多何爲屬人石真若留不對烏孤曰卿畏呂光耶石真若留曰吾本根未固小大非敵若光致死於我何以待之不如受以驕之俟釁而動蔑不克矣烏孤乃受之

紛陀與石真若留皆能審直應事者也史言烏孤所以興

二十年^{乙未}秋七月禿髮烏孤徙都廉川

禿髮烏孤擊乙弗折掘等諸部皆破降之築廉川保而都之乙弗折屈二部皆在禿髮民之西廉川在湟中廣武趙振少好奇略聞烏孤在廉川棄家從之烏孤喜曰吾得趙生大事濟矣拜左司馬三河王光封烏孤爲廣武郡公

二十一年^{丙申}夏六月三河王光自稱涼天王以禿髮烏孤爲益州牧

三河王光自稱涼天王遣使拜禿髮烏孤爲征南大將軍益州牧

左賢王烏孤謂使者曰呂王諸子貪淫三甥暴虐遠近愁怨吾安可違百姓之心受不義之爵乎吾當爲帝王之事耳乃留其鼓吹羽儀謝而遣之

安帝隆安元年^{丁酉}春正月禿髮烏孤自稱西平王攻涼取金城

是爲南涼

禿髮烏孤自稱大都督大將軍大單于西平王改元太初治兵廣武攻涼金城克之涼王光遣將軍竇苟伐之戰于街亭涼兵大敗八月涼散騎常侍郭騰司馬楊統等相率叛涼共推將軍楊軌爲盟主涼王光遣西平公呂纂擊騰大破之騰遣使請救于烏孤九月烏孤使其弟驃騎將軍利鹿孤帥騎五千赴之

二年^{戊戌}秋九月南涼取嶺南五郡

二月楊軌帥衆北赴郭騰西平王烏孤遣其弟車騎將軍儁檀帥

騎一萬助軌至姑臧營于城北六月涼王○光使太原公纂將兵
逆戰軌與利鹿孤邀擊呂纂纂與戰大破之軌奔四胡王乞基磨
走降西秦九月楊軌屯藤川收集夷夏眾至萬餘王乞基謂軌曰
禿髮氏才高而兵盛且乞基之主也不如歸之軌乃遣使降于烏
孤軌尋為羗酋梁飢所敗西奔僊海襲乙弗鮮卑而據其地烏孤
謂羣臣曰楊軌王乞基歸誠于我卿等不速救使為羗人所覆孤
甚愧之平西將軍渾屯曰梁飢無經遠大略可一戰禽也飢進攻
西平西平人田玄明執太守郭倖而代之拒飢遣之為旗於烏
孤烏孤欲許之羣臣憚飢兵強多以為疑左司馬趙振曰楊軌新
敗呂氏方強洪池以北洪池嶺名在姑臧之南未可與也嶺南五郡嶺南謂平樂都統河湟河也庶幾可取大王若無聞拓之志振不敢言若

欲經營四方此機不可失也若羗得西平華夷震動非我之利也

烏孤喜曰吾亦欲乘時立功安能坐守窮谷乎乃謂羣臣曰梁飢

若得西平保據山河不可復制西平據湟河之要有大小榆谷之饒故云然驍猛軍令

不整易破也遂進擊飢大破之飢退屯龍支堡唐鄯州有龍支縣烏孤進

攻拔之飢單騎奔澆河吐谷渾之地呂光開以為郡隋唐之鄯州即其地也俘斬數萬以田

玄明為西平內史樂都太守田瑤湟河太守張稠澆河太守王稚

皆以郡降嶺南羗胡數萬落皆附於烏孤十月涼建武將軍李鸞

以興城在允吾縣西南龍支堡之東降于烏孤十一月楊軌王乞基帥戶數千

自歸於烏孤十二月烏孤更稱武威王是歲魏王珪始稱皇帝

卮言曰是時禿髮烏孤未嘗稱涼王也而綱目遽以南涼書者

令人易曉也宜從通鑑所稱為是

三年巳亥春正月南京徙治樂都

正月武威王烏孤徙治樂都以其弟西平公利鹿孤鎮安夷

漢縣屬金

城郡晉分屬西平郡

廣武公倂檀鎮西平

西平治樂都縣唐鄯州之湟水縣也

叔父素渥鎮湟

河若留鎮澆河從弟替引鎮南洛回鎮廉川從叔吐若留鎮浩疊

在樂都之東隋唐併入湟水縣浩音浩疊音間

夷夏俊傑隨才授任內居顯位外典郡縣

咸得其宜烏孤謂羣臣曰隴右河西本數郡之地

漢時河西置武威張掖酒泉四

郡隴西金城二郡

遭亂分裂至十餘國呂氏乞伏氏段氏最彊今欲取之

三者何先楊統曰乞伏氏本吾之部落終當服從段氏書生無能

為患且結好於我攻之不義呂光衰耄嗣子微弱纂弘雖有才而

內相猜忌若使浩疊廉川乘虛迭出彼必疲於奔命不過二年兵

勞民困則姑臧可圖也姑臧舉則二寇不待攻而服矣烏孤曰善

二月段業自稱涼王於張掖

是為北涼河西四郡張掖在北故為北涼

夏四月涼王

紹太原公纂將兵伐之北涼王業求救於武威王烏孤烏孤遣驃

騎大將軍利鹿孤及楊軌救之業案兵不戰紹纂引兵歸

秋八月南京王烏孤卒

武威王烏孤醉走馬傷脇而卒

卮言曰綱目於秃髮烏孤稱西平公之後每書南京其卒也書

南京王卒然烏孤未嘗王南京也宜從其本號而書之而倂檀

稱涼王然後為南京

康王名利鹿孤烏孤弟也烏孤卒利鹿孤立徙治西平

利鹿孤烏孤之弟也初為驃騎大將軍西平公鎮安夷進位涼州

牧移鎮西平烏孤卒遺令立長君國人遂立利鹿孤為武威王徙

西平使記室監麴梁明聘于段業十二月涼王呂光卒子紹立
其庶兄纂殺紹而代之利鹿孤聞光死遣其將金樹蘇翹率騎五
千屯於昌松漢口

四年

武威王利鹿孤
建和元年庚子春正月

正月武威王利鹿孤大赦改元建和三月涼王纂將伐利鹿孤中
書令楊穎諫曰利鹿孤上下用命國未有釁不可伐也不從利鹿
孤使其弟儁檀拒之四月儁檀敗涼兵於三堆

在浩亶
河南

斬首二千

餘級五月楊軌田玄明謀殺利鹿孤利鹿孤殺之七月西秦王乞
伏乾歸為秦王姚興所敗獨引數百騎奔允吾乞降於利鹿孤利
鹿孤遣廣武公儁檀迎之賓於晉興待以上賓之禮秦兵既退南
羗梁弋等密招乾歸乾歸將應之其臣以告陰暢暢馳白利鹿孤

利鹿孤遣其弟吐雷帥騎三千屯捫天嶺乾歸懼遂降于秦
子熾磐于西平十一月熾磐欲逃詣乾歸利鹿孤追獲將殺之儁
檀謂宜宥之以全大度利鹿孤從之

五年

辛丑

春正月南涼王利鹿孤置都督中外錄尚書官

正月武威王利鹿孤欲稱帝羣臣皆勸之安國將軍鋤勿崙曰吾
國自上世以來被髮左衽無冠帶之飾逐水草遷徙無城郭室廬
故能雄視沙漠杭衡中夏今舉大號誠順民心然建都立邑難以
避患諸蓄倉庫啟敵人心不如處晉民於城郭勸課農桑以供資
儲帥國人以習戰射鄰國弱則乘之彊則避之此久長之良策也
自漢以來善為夷狄
謀者莫過此策也且虛名無實徒足為世之質的將安用之利

鹿孤曰安國之言是也乃更稱河西王

更工衛翻王武威則一郡
而已河西則欲兼漢四

郡之地此利
鹿孤之志也

夏四月南凉利鹿孤擊凉徙其民二千户以歸

河西王利鹿孤伐凉與凉王戰大破之徙二千餘户而歸六月利鹿孤命羣臣極言得失西曹從事史高曰陛下命將出征往無不捷然不以綏寧為先唯以徙民為務民安土重遷故多離叛此所以斬將拔城而城不加廣也利鹿孤善之

秋七月秦伐凉大破之西凉南凉北凉皆遣使入貢於秦

七月秦隴西公姚碩德伐凉自金城濟河直趣廣武河西王利鹿孤攝廣武守軍以避之秦軍至姑臧大破凉兵利鹿孤與西凉公高沮渠蒙遜各遣使入貢于秦八月秦隴西公碩德圍姑臧降之凉王隆入長安沮渠蒙遜懼遣其德孛見碩德於姑臧請帥其眾

東遷孛弘謂蒙遜曰碩德不久將還不宜受制於人蒙遜於子奚念為質於利鹿孤利鹿孤不受曰奚念年少可遣孛已十月蒙遜復遣使上疏於利鹿孤曰苟有誠信則子不為輕若其不信則弟不為重合寇難未夷不獲奉詔利鹿孤怒遣張松侯俱延興城侯文支將騎一萬襲蒙遜至萬歲臨松執蒙遜從弟鄯善苟子虜其民六十餘户蒙遜從叔孔遮入朝于利鹿孤許以孛為質利鹿孤乃歸其所掠召俱延等還

冬十一月凉攻魏安南凉利鹿孤遣兵救之

十一月呂超攻姜紀不克遂攻焦朗

姜紀時據晏然
焦紀據魏安

朗遣其弟子

嵩為質於河西王利鹿孤以請迎利鹿孤遣車騎將軍儁檀赴之北至超已退朗閉門拒之儁檀怒將攻之鎮北將軍俱延諫曰安

土重遷人之常情朗孤城無食今年不降後年自服何必多殺士卒以攻之若其不捷彼必去從他國棄州境士民以資鄰敵非計也不如以善言論之儂檀乃與朗連和遂曜兵姑臧壁于胡院在姑臧西儂檀知呂超必來斫營畜火以待之超夜遣中壘將軍王集帥精兵二千斫儂檀營儂檀徐嚴不起集入壘中內外皆舉火光照如晝縱兵擊之斬集及甲首三百餘級呂隆懼僞與儂檀通好請於苑內結盟儂檀遣俱延入盟俱延疑其有伏毀苑墻而入超伏兵擊之俱延失馬步走凌江將軍郭祖力戰拒之俱延乃得免儂檀怒攻其昌松太守孟禕於顯美隆遣將軍荀安國石可帥騎五百救之安國等憚儂檀之彊遁還

元興元年

南涼儂檀弘呂元壬寅

春正月涼和虜兵攻涼顯美克之

正月儂檀克顯美執孟禕而釋之徙二千餘戶而歸二月沮渠蒙遜引兵攻姑臧隆遣使求救於河西王利鹿孤引羣下議之尚書左丞婆衍喻曰今姑臧飢荒殘弊穀石萬錢野無青草資食無取蒙遜千里行師糧運不屬使二寇相殘以乘其釁若蒙遜拔姑臧亦不能守適可為吾取之不宜救也儂檀曰喻知其一未知其二姑臧今雖虛弊地居形勝河西一郡之會不可使蒙遜據之宜在速救利鹿孤曰車騎之言吾之心也遂遣儂檀帥騎一萬救之未至隆擊破蒙遜軍蒙遜請與隆盟留穀萬餘斛遺之而還儂檀至昌松蒙遜已退乃徙涼澤在武威縣東亦曰休屠澤段家民五百餘戶而還中散騎常侍張融言於利鹿孤曰焦朗兄弟據魏安潛通姚氏數為反覆今不取後必為朝廷憂利鹿孤遣儂檀討之朗面縛出降儂

檀送于西平徙其民於樂都

三月南涼王利鹿孤卒

河西王利鹿孤寢疾遺令以國事授弟儁檀而卒謚曰康王

景王儁檀利鹿孤弟也利鹿孤卒儁檀立自稱涼王

秃髮儁檀利鹿孤之弟也少機警有才略烏孤時爲車騎大將軍廣武公鎮西平召入錄府國事以儁檀爲都督中外諸軍事涼州牧錄尚書事壬寅三月利鹿孤寢疾遺令以國事授儁檀初秃髮思復韃愛重儁檀謂諸子曰儁檀器識非汝曹所及也故諸兄不以傳子而傳於弟利鹿孤在位垂洪而已軍國大事皆委於儁檀利鹿孤卒儁檀襲位更稱涼王改元弘昌遷于樂都是歲秦主興遣使以儁檀爲車騎將軍廣武公

元興二年

甲辰春二月南涼去年號罷尚書官

南涼王儁檀畏秦之彊乃去年號罷尚書丞郎官參軍開尚使于秦秦主興曰車騎獻款稱藩而檀興兵造大城豈爲臣之道乎尚曰王公設險以守其國先王之制也車騎僻在遐藩密邇勅寇蓋爲國家重門之防不圖陛下忽以爲嫌興善之儁檀求領涼州興不許

義熙二年

丙午夏六月秦以秃髮儁檀爲涼州刺史守姑臧

秃髮儁檀伐沮渠蒙遜蒙遜嬰城固守儁檀至赤泉而還獻馬三千匹羊三萬口于秦秦王興以爲忠以儁檀爲都督河右諸軍事車騎大將軍涼鎮刺史鎮姑臧徵王尚還長安涼州人申屠英等遣主簿胡威詣長安請留尚興弗許威見興流涕言曰臣州奉戴

王化于茲五年土宇僻遠威靈不接士民嘗膽仗血其守孤城仰
恃陛下聖德俯仗良牧仁政克自保全以至今日陛下奈何乃以
臣等買馬三千匹羊三萬口賤人貴畜無乃不可若軍國須馬直
煩尚書一符臣州三千餘戶各輸一馬朝下夕辦何難之有昔漢
武傾天下之資力開拈河西以斷匈奴右臂今陛下無故棄五郡
之地忠良華族以資暴虜豈惟臣州士民墜於塗炭恐方爲聖朝
旰食之憂興悔之使西平人車普馳止王尚又遣使諭儂檀會儂
檀已帥騎三萬軍于五澗普先以狀告之儂檀遽逼遣王尚尚出
自清陽門儂檀入自涼風門別駕宗敞送尚還長安儂檀謂敞曰
吾得涼州二千餘家情之所寄唯卿一人奈何捨我去乎敞曰今
送君所以忠於陛下也儂檀曰吾新牧貴州懷遠安通之略如

何敞曰涼土雖弊形勝之地殿下惠撫其民收其賢俊以建功名
其何求不獲因薦本州文武名士十餘人儂檀嘉納之立尚至長
安與以爲尚書儂檀燕羣僚於宣德堂仰視歎曰古人有言作者
不居居者不作信矣武威孟禕曰昔張文武始爲此堂於今百年
十有二主矣惟履信思順者可以久處儂檀善之八月儂檀以興
城侯文支鎮姑臧自還樂都雖受秦爵命然其車服禮儀皆如王
者十一月禿髮儂檀遷于姑臧

三年未冬夏王勃勃攻南京大破之

七月禿髮儂檀復貳於秦遣使邀乞伏熾磐熾磐斬其使送長安
九月禿髮儂檀將五萬餘人伐沮渠蒙遜蒙遜與戰於均石大破
之十一月夏王勃勃帥騎二萬擊儂檀于支陽殺傷萬餘人而還

僂檀帥衆追之勃勃逆擊於武陽下大破之殺傷萬計

四年戊申夏五月秦遣兵襲南涼敗績

秦王與以秃髮僂檀外內多難 欲因而取之使尚書郎韋宗往覘之僂檀與宗論當世大略縱橫無窮宗退歎曰奇才英器不必華夏明智敏識不必讀書吾乃今知九州之外五經之表復自有人也歸言於興曰涼州雖弊僂檀權譎過人未可圖也興曰劉勃勃以烏合之衆猶能破之况我舉天下之兵以加之乎宗曰不然形移執變返復萬端陵人者易敗戒懼者難攻僂檀之所以敗於勃勃者輕之也今我以大軍臨之彼不懼而求全臣竊觀羣臣才略無僂檀之比者雖以天威臨之亦未敢保其勝也興不聽使其子中軍將軍廣平公弼後軍將軍歛成鎮遠將軍乞伏乾歸帥步

騎二萬襲僂檀左僕射齊難帥騎二萬討勃勃吏部尚書尹昭諫曰僂檀恃其險遠故敢違慢不若詔沮渠蒙遜及李暠討之使自相困斃不必煩中國之兵也亦不聽興遣僂檀書曰今遣齊難討勃勃恐其西逸故令弼等於河西邀之僂檀以爲然遂不設備弼濟自金城姜紀言於弼曰今王帥聲言討勃勃僂檀猶豫守備未嚴願給輕騎五千掩其城門則山澤之民皆爲吾有孤城無援可坐克也弼不從進至漠口昌松太守蘇霸閉城拒之弼遣人諭之使降霸曰汝棄信誓而伐與國吾有死而已何降之有弼進攻斬之長驅至姑臧僂檀嬰城固守出奇兵擊弼破之弼退據西苑城中人王鐘等謀爲內應事泄僂檀欲誅首謀者而赦其餘前軍將軍伊力延侯曰今疆寇在外而奸人竊發於內危孰甚焉不悉阮

之何以懲後僣檀從之殺五千餘人命郡縣悉散牛羊於野歛成
縱兵鈔掠僣檀遣鎮北大將軍俱延鎮軍將軍敬歸等擊之秦兵
大敗斬首七千餘級姚弼固壘不出僣檀攻之未克秋七月興遣
衛大將軍常山公顯帥騎二萬爲諸軍後繼至高平聞弼敗倍道
赴之顯遣善射者孟欽等五人挑戰於涼風門弦未及發僣檀材
官將軍宋益等迎擊斬之顯乃委罪歛戍遣使謝僣檀 慰撫河外
引兵還僣檀遣使者徐宿詣秦謝罪

冬十一月南涼復稱王

秃髮僣檀復稱涼王大赦改元嘉平置百官立夫人折掘氏爲皇
后世子武臺爲太子錄尚書事左長史趙鼂右長史郭偉爲尚書
左右僕射昌松侯俱延爲太尉

載記史臣曰秃髮累葉首豪擅強邊服控弦王塞躍馬金山侯蒲
月而窺兵乘折膠而縱鎗禮容弗被聲教斯阻烏孤納符渾之策
治兵以討不賓鹿孤從史嵩之言建學而延胄子遂能開疆河右
抗衡疆國道由人弘抑此之謂僣檀承累捷之銳藉二昆之資摧
呂氏莫無遺策取姑臧兵不血刃武略雄圖比蹤前列旣而叨竊
重位盈蒲易期窮兵以逞其心縱慝自貽其弊地奪於蒙遼勢岌
於赫連覆國喪身猶爲幸也昔宋殤好戰致災於華督楚靈黷武
取殺於乾谿異代同亡其於僣檀見之矣

贊曰秃髮弟兄擅雄羣虜開疆河外清氣西土僣檀傑出騰駕時
英窮兵黷武喪國頽聲

北涼沮渠氏據張掖章

太祖武宣王沮渠蒙遜張掖臨松盧水胡人匈奴沮渠王之後也詳世

系類

載記曰沮渠蒙遜涉獵書史頗曉天文雄傑有策略滑稽善權變

梁熙呂光皆奇而憚之故常游飲自晦

晉安帝隆安年丁酉夏四月涼沮渠蒙遜叛拔臨松據金山

初沮渠蒙遜伯父羅仇為涼王呂光尚書丁酉三月羅仇從光伐

西秦及呂延敗死羅仇弟三河太守麴弼謂羅仇曰主上荒耄信

讒今軍敗將死正其猜忌智勇之時也吾兄弟必不見容與其死

而無名不若勒兵向西平出苕藿河西張氏置西平郡唐為鄯州之地苕藿地名在漢張掖郡番禾

縣界奮臂一呼涼州不足定也羅仇曰誠如汝言然吾家世以忠孝

著於西土寧使人負我不忍負人也光果聽纔以敗軍之罪殺羅

仇及麴弼蒙遜以羅仇麴弼之喪歸罪諸部多其族姻會葬者凡

萬餘人蒙遜哭謂眾曰呂王昏荒無道多殺不辜吾之上世虎視

河西蒙遜之先世為匈奴左沮渠河西匈奴左地也世居盧水為酋豪其高曾皆雄健有勇名晉書載記曰昔漢祚中微吾之

乃祖翼將大寶融保寧河右今欲與諸部雪二父之耻復上世之業何如眾咸

稱萬歲遂結盟起兵攻涼臨松郡拔之屯據金山

夏五月涼段業叛自稱建康公沮渠蒙遜以眾歸之

涼王光遣太原公纂將兵擊沮渠蒙遜於怒谷破之蒙遜逃入山

中蒙遜從兄男成為涼將軍聞蒙遜起兵亦合眾數千屯樂涇漢縣

屬酒泉縣酒泉太守壘澄討男成兵敗澄死男成進攻建康遣使說建

康太守段業欲迎為王業素與涼侍中房晷僕射王詳不平懼不

自安乃許之男成等推業為涼州牧建康公以男成為輔國將軍

委以軍國之任蒙遜帥眾歸業業以蒙遜為鎮西將軍光命太原公纂將兵討業不克

二年戊戌夏四月北涼兵攻涼取西郡晉昌敦煌張掖

段業將使沮渠蒙遜攻西郡眾咸疑之蒙遜曰此郡據嶺之要不可不取業曰卿言是也遂遣之蒙遜引水灌戍城潰執太守呂純

以歸純光之弟子也於是晉昌太守王德敦煌太守趙郡孟敏皆

以郡降業西郡在威武西據嶺之要蒙遜得之故晉昌敦煌皆降業封蒙遜為臨池侯涼常

山公弘鎮張掖段業使沮渠男成及王德攻之弘引兵棄張掖東

走段業徙治張掖將追擊弘蒙遜諫曰歸師勿邊窮寇勿追此兵

家之戒也業不從大敗而還賴蒙遜以免業城西安以其將臧莫

孩為太守蒙遜曰莫孩勇而無謀知進不知退此乃為之築家非

築城也業不從莫孩尋為呂纂所破蒙遜懼業不能容已每懼智

以避之

二年北涼王業天璽元年己亥春二月段業自稱涼王

段業自稱涼王以沮渠蒙遜為尚書左丞四月涼王光遣其子紹

纂將兵伐業業求救於秃髮烏孤烏孤遣利鹿孤及楊軌救之業

將戰蒙遜諫曰楊軌侍鮮卑之彊有窺窬之志紹纂深入置兵死

地不可敵也今不戰則有泰山之安戰則有累邦之危業從之舉

兵不戰紹纂引兵歸

五月沮渠蒙遜永安元年辛丑夏五月北涼沮渠蒙遜弑其君業自稱張掖公

北涼王業憚沮渠蒙遜勇略欲遠之蒙遜亦深自晦匿業以門下

侍郎馬權代蒙遜為張掖太守權素豪雋為業所親重常輕侮蒙

遜蒙遜諮之於業曰天下不足慮惟當憂馬權耳業遂殺權蒙遜
謂沮渠男成曰段公無鑿斷之才非撥亂之主卿所憚者惟索嗣
馬權今皆已死蒙遜欲除之以奉兄何如男成曰業本孤客為吾
家所立恃吾兄弟猶鳥之有水夫人親信我而圖之不祥蒙遜乃
求為西安太守業喜其出外許之蒙遜與男成約同祭蘭門山而
陰使司馬許咸告業曰男成欲以取假日為亂若求祭蘭門山臣
言驗矣至期果然業收男成賜死男成曰蒙遜先與臣謀反臣隱
而不言今約臣祭山而反誣臣其意欲王之殺臣也乞詐言臣死
蒙遜必反臣奉命討之無不克矣業不聽殺之蒙遜泣告眾曰男
成忠於段王無故枉殺之諸君能為報仇乎且始者共立段王欲
以安眾耳今州土紛亂非段王所能濟也男成素得眾心眾皆憤

漢將屬

張掖

眾逾一萬鎮軍將軍莫孩率所部

之羌胡多起兵應蒙遜者蒙遜進逼侯塢業赦田昂之罪使與眾
中庸共討蒙遜昂至侯塢率騎五百降於蒙遜業軍遂潰中庸亦
請蒙遜降五月蒙遜至張掖田昂兄子承愛斬關內之業左右皆
散蒙遜至業求東還蒙遜不許遂斬之

梁中庸等共推沮渠蒙遜為大都督大將軍涼州牧張掖公赦其
境內改元永安蒙遜署從兄伏奴為張掖太守和平侯弟挈為建
忠將軍都谷侯田昂為西郡太守滅莫孩為輔國將軍房曷梁中
庸為左右長史張隲謝正禮為左右司馬擢任賢才文武咸悅

庾言曰蒙遜始起張掖以段業稱涼公是時呂氏王姑臧故史
以業為北涼其後蒙遜殺業而代之雖據其地未嘗稱涼也而

綱目於此卽書北涼者其旨云何夫國名稱號綱目絲毫不紊而獨略於數涼毋亦以群醜紛紜不足備舉耳宜從通鑑每年紀事悉依其本稱書之如蒙遜至受涼王封而後爲北涼觀史者當自得焉段業之於蒙遜猶高雲之於馮跋而不得紀於二國之前者因人作亂徒蒙首惡之聲竊位亟亡更無創別之略也

七月西涼南涼北涼皆遣使入貢於秦

七月秦王興遣姚碩德攻涼圍姑臧累月涼王呂隆降碩德入姑臧興以隆爲涼州刺史蒙遜所部酒泉涼寧二郡叛降於西涼又呂隆降秦大懼遣其弟建忠將軍掣見牧府長史張潛見碩德姑臧請帥其衆東遷碩德喜并潛張掖太守掣建康太守潛勸

將還不能久也何爲自棄土宇受制於人乎臧莫孩亦以爲然蒙遜遣子奚念爲質於河西王利鹿孤利鹿孤不受曰奚念年少可遣掣也十月蒙遜復遣使上疏於利鹿孤曰臣前遣奚念具披誠款而聖旨未昭復徵弟掣臣竊以爲苟有誠信則子不爲輕若其不信則弟不爲重今寇難未夷不獲奉詔願陛下諒之利鹿孤怒遣張松侯俱延興城侯文支將騎一萬襲蒙遜至萬歲臨松執蒙遜從弟鄯善苟子虜其民六千餘戶蒙遜從叔孔遮入朝于利鹿孤許以掣爲質利鹿孤乃歸其所掠召俱延等還

元興元年

壬寅

春二月北涼沮渠蒙遜攻涼姑臧不克

正月秦王興遣使拜沮渠蒙遜爲鎮西將軍沙州刺史西海侯涼

姑臧大飢蒙遜引兵攻之為涼王呂隆所破蒙遜請盟留穀萬餘
斛遺之而還十二月蒙遜所署西郡太守梁中庸叛奔西涼蒙遜
盡歸其孥

二年癸卯秋七月秦微呂隆為散騎常侍

七月秃髮傥檀及沮渠蒙遜互出兵攻呂隆隆請迎于秦秦王興
遣齊難等迎隆于河西八月齊難等至姑臧隆迎于道旁因勸難
擊蒙遜蒙遜使滅莫孩拒之敗其前軍難乃與蒙遜結盟蒙遜遣
弟拏入貢于秦難以司馬王尚行涼州刺史配兵三千鎮姑臧秦
遣使者梁構至張掖蒙遜問曰秃髮傥檀為公而身為侯何也構
曰傥檀凶狡款誠未著故朝廷以重爵虛名羈縻之將軍忠貫白
日當入贊帝室豈可以不信相待也聖朝爵必稱功如尹緯姚晃

佐公之三難徐浴一時猛將魯皆不過侯伯將軍何以先之乎
昔竇融殷勤因讓不欲居舊臣之右不意將軍忽有此問蒙遜曰
朝廷何不即封張掖而更遠封西海邪構曰張掖將軍已自有之
所以遠授西海者欲廣大將軍之國耳蒙遜悅乃受命

義熙元年乙巳秋九月西涼徙都酒泉

八月西涼公高遷都酒泉以逼蒙遜秋九月蒙遜襲西涼酒泉至
安珍高戰敗城守蒙遜引還

二年丙午夏六月秦以秃髮傥檀為涼州刺史

九月秃髮傥檀將五萬餘人伐沮渠蒙遜蒙遜與戰於均石

東西陝之西

蒙遜進攻西郡太守楊統於日勒降之

蓋西郡界

日勒縣屬

置西郡治日勒一日日勒故城在今甘肅州剛丹縣東南

六年庚戌春三月南涼攻北涼敗績

初南涼王髡髮儂檀遣左將軍祐木等伐沮渠蒙遜掠臨松千餘戶而還蒙遜伐南涼至顯美徙數千戶而去南涼太尉俱延復伐蒙遜大敗而歸是月儂檀自將五萬騎伐蒙遜戰于窮泉儂檀大敗單馬奔還蒙遜乘勝進圍姑臧姑臧人懲王鍾之誅皆驚潰夷夏萬餘戶降于蒙遜儂檀懼遣司隸校尉敬歸及子他為虜以請和蒙遜許之歸至胡阮逃還他為追兵所執蒙遜徙其眾八千餘戶而去右衛將軍折屈奇鎮據石驢山在姑臧西南以叛儂檀畏蒙遜之逼且懼嶺南為奇鎮所據乃遷于樂都留成公緒守姑臧儂檀纔出城魏安人侯謀等閉門作亂推焦朗為主降于蒙遜八月蒙遜伐西涼敗其世子歆于馬廟會其將朱元虎涼公嵩以金贖元

虎蒙遜歸之遂與嵩結盟而去

七年辛夏北涼拔姑臧遂攻南涼不克南涼攻北京大敗而還

二月焦朗猶據姑臧沮渠蒙遜攻拔其城執朗而宥之以弟挈為秦州刺史鎮姑臧遂伐南涼圍樂都三旬不克南涼王儂檀以子安周為質乃還儂檀復伐蒙遜五道俱進至番禾若藿掠五千餘戶而還俄而蒙遜兵大至迎擊之儂檀敗走蒙遜進圍樂都儂檀嬰城固守以子染干為質以請和蒙遜乃還

秋七月北涼襲西涼不克

沮渠蒙遜將騎襲西涼西涼公嵩閉門不與戰頃之蒙遜根盡而歸嵩遣世子歆擊之蒙遜大敗

八年壬子冬十月北涼遷于姑臧

十月沮渠蒙遜遷于姑臧十一月卽河西王位改元玄始置官如涼王光爲三河王故事奉表稱藩建康詔拜涼州刺史

九年

癸丑夏四月

南涼王傉檀伐河西王蒙遜蒙遜敗之於若厚塢又敗之於若涼因進圍樂都二旬不克南涼湟河太守文支以郡降于蒙遜蒙遜以文支爲廣武太守蒙遜復伐南京傉檀以太尉俱延爲質乃還蒙遜下書曰古先哲王應期撥亂者莫不經略八表然後光闡純風孤雖智非靖難職在濟時而狡虜傉檀鴟峙舊京毒加夷夏東苑之戮酷甚長平邊城之禍害深獫狁每念蒼生之無辜是以不遑啟處身疲甲冑體倦風塵雖傾其巢穴傉檀猶未授首傉檀弟文支追項伯歸漢之義據彼重藩請爲臣妾自西平已南連城繼

順惟僂檀窮獸守死樂都四支旣落命豈久全五緯之會已屆一之期無餘方散馬金山黎元永逸可露布遠近咸使聞知蒙遜西如若薶遣冠軍伏恩率騎一萬襲卑和烏啼二虜大破之俘二千餘落而還蒙遜寢于新臺閹人王懷祖擊蒙遜傷足其妻孟氏擒斬之

十年

甲寅

夏五月西秦襲滅南涼以傉檀歸殺之

十一年

乙卯

春三月北涼攻西秦拔廣武

河西王蒙遜攻西秦廣武郡拔之西秦王熾磐遣將軍乞伏雕尼寅邀蒙遜于浩亶蒙遜擊斬之又遣將軍析斐等帥騎一萬據勒

姐嶺

闕駟志金城安夷縣東有勒姐河與金城河合勒姐嶺蓋勒姐河所出之山也漢時勒姐羌居之因以爲名姐才也蒙

遜且戰且前大破之擒析斐等七百餘人麴景奔還蒙遜以弟漢

平爲析衝將軍湟河太守乃引還

夏四月北京遣使上表內附

劉氏曰嘉慕義也故特書之

晉益州刺史朱齡石遣使北凉蒙遜遣舍人黃迅報聘益州因表曰上天降禍四海分崩靈耀擁于南裔蒼生没于醜虜陛下累聖重光道邁周漢純風所被八表宅心臣雖被髮邊徼才非時魯謬爲河右遺黎推爲盟主臣之先人世荷恩寵雖糜吏嶮執義不回傾首朝陽乃心王室去冬益州刺史朱齡石臣始具朝廷休問乘車騎將軍劉裕秣馬揮戈以中原爲事可謂天贊大晉篤生英輔臣聞少康之興大夏光武之復漢業皆奮劍而起衆無一旅猶能成配天之功著車攻之詠陛下據全楚之地擁荆揚之銳而可垂拱晏然棄二京以資戎虜若六軍北軫尅復有期臣請率

河西戎爲晉右翼前驅五月熾磐率衆二萬襲湟河漢平力戰固守遣司馬隗仁夜出擊熾磐斬級數百熾磐將引退先遣老弱漢平長史焦和將軍段景密信招熾磐熾磐復進攻漢平漢平納和景之說面縛出降仁勒壯士百餘據南門樓上三日不下衆寡不敵爲熾磐所擒熾磐怒命斬之段暉爲之固請乃得還姑臧蒙遜以爲高昌太守蒙遜西祀金山遣沮渠廣宗率騎一萬襲烏啼虜大捷而還蒙遜西至苜蓿遣前將軍沮渠成都將騎五千襲卑和虜蒙遜率中軍三萬繼之卑和虜率衆迎降遂循海而西至鹽池祀西王母寺遂如金山而歸

十二年丙辰春二月

正月西秦王熾磐攻秦湟川河西王蒙遜攻石泉以救之熾磐至

沓中引還二月熾磐遣兵救石泉蒙遜亦引去蒙遜遂與熾磐和

親自熾磐滅禿髮氏與蒙遜為降敵歲歲交兵今乃結和

十三年丁秋太尉裕入長安秦主泓出降

二月西涼公李暉卒世子歆立四月河西王蒙遜遣張掖太守沮

渠廣宗詐降以誘涼公歆歆發兵應之蒙遜將兵三萬伏於蓼泉

歆覺之引兵還蒙遜追之與歆戰于解支澗大破之斬首七千餘

級蒙遜城建康置戍而還七月晉太尉劉裕督諸軍伐秦九月大

破秦兵遂入長安秦主泓出降送建康斬之蒙遜聞裕滅秦怒甚

門下校郎劉祥入言事蒙遜曰汝聞劉裕入關敢研研然也遂斬

之

天台胡氏曰河西土民乃心晉室蒙遜胡人竊據其上聞劉裕

入關慮其響應故斬祥以威眾以鎮服其心也奸雄之計然

苟然哉

十四年戊秋九月北涼伐西涼增

九月河西王蒙遜復引兵伐涼涼公歆將拒之長史張體順固諫

乃止蒙遜芟其秋稼而還十二月夏王赫連勃勃僭號瀚上

冬十二月以北涼王蒙遜為涼州刺史

庚申百恭帝元熙二宋武帝裕夏六月宋王裕稱皇帝廢帝為零陵

王

秋七月北涼王蒙遜誘西涼公歆與戰殺之遂滅西涼

七月河西王蒙遜欲伐涼先引兵攻秦浩臬既至潛師還屯川巖

涼公歆欲乘虛襲張掖宋繇張體順切諫不聽太后尹氏言之亦

不聽歆將步騎三萬東出蒙遜聞之曰歆已入吾術中然聞吾旋
師必不敢前乃露布西境云已克浩疊將進攻黃谷

魏晉告捷之制但露檄布言其事耳歆聞之喜進入都瀆澗蒙遜引兵擊之戰於懷

城歆大敗或勸歆還保酒泉歆不從勒兵戰於蓼泉為蒙遜所殺

歆歆弟酒泉太守翻敦煌太守恂奔北山蒙遜入酒泉以子健為

酒泉太守索元緒行敦煌太守蒙遜還姑臧見涼太后尹氏而勞

之娶其女為牧犍婦九月秦將軍王基等襲蒙遜胡園戍俘二千

餘人而還李恂在敦煌有惠政而元緒粗險好殺夫失人和郡人

宋承張弘密信招恂恂帥數十騎入敦煌元緒東奔涼興承等推

緒為涼州刺史蒙遜遣世子政德攻之恂閉城不戰

辛酉春三月北涼屠敦煌殺李恂

正月河西王蒙遜帥眾二萬攻李恂於敦煌三月蒙遜築堤壅水

以灌敦煌恂乞降不許恂將宋承塞城降恂自殺蒙遜屠其城獲

恂子弟寶囚于姑臧於是西域諸國皆詣蒙遜稱臣朝貢秋七月

蒙遜遣右衛將軍沮渠善建節將軍沮渠苟生帥眾七千伐秦

秦王熾磐遣將木奔干帥步騎五千拒之敗善于五澗虜苟生

冬十月涼晉昌守唐契叛

十月己亥宋主詔以河西王蒙遜為鎮軍大將軍開府儀同三司

涼州刺史蒙遜所署晉昌太守唐契據郡叛蒙遜遣世子政德討

之

壬戌秋七月

河西王蒙遜遣前將軍沮渠成都帥眾一萬耀兵嶺南遂屯五澗

蓋耀兵於洪池嶺南而還屯五澗也九月秦王熾磐遣征北將軍出連虔等帥騎六

千擊之冬十月出連虔與成都戰禽之

癸亥宋主義符景平元年春三月涼吐谷渾入貢于宋夏四月涼攻晉昌克之

二月河西王蒙遜遣使入貢於宋宋主詔以蒙遜為都督涼秦河

沙四州諸軍事驃騎大將軍涼州牧河西王四月蒙遜攻晉昌克

之唐契及甥李寶奔伊吾招集遺民臣於柔然

秋七月柔然攻北涼殺其世子政德

柔然寇河西河西王蒙遜命世子政德擊之政德輕騎進戰為柔

然所殺

甲子宋文帝元嘉元秋秦攻涼敗之

八月秦王熾磐遣太子暮末帥征北將軍木奕干等步騎二萬出

渠谷攻河西白草嶺臨松郡皆破之徙民二萬餘口而還

乙丑夏四月秦襲涼于臨松敗之

四月秦王熾磐遣平遠將軍叱盧健等襲河西鎮南將軍沮渠白

蹄於臨松擒之徙其民五千餘戶於枹罕

丙寅秋八月秦攻涼夏襲秦苑川秦師還

八月秦王熾磐伐河西至廉川遣太子暮末等步騎三萬攻西安

不克又攻番禾河西王蒙遜發兵禦之且遣使說夏主使乘虛襲

枹罕夏主遣將呼盧古攻苑川韋伐攻南安熾磐聞之引歸蒙遜借助

於夏以退秦帥秦既敗於夏夏亦償於魏而涼亦不能以自立是以親仁善鄰國之寶也

戊辰宋元嘉五魏神鼎元夏六月涼侵秦秦及涼平

正月秦澆河太守姚濬叛降河西秦以焦嵩伐濬為吐谷渾所執

五月秦王熾磐卒太子暮未立河西王蒙遜因喪伐秦西平西平太守麴承謂之曰殿下若先取樂都則西平必爲殿下之有西平苟望風請服亦明主之所疾也蒙遜乃釋西平攻樂都相國元基帥騎三千救樂都甫入城而河西兵至攻其外城克之絕其水道城中飢渴死者大半東羗乞提從元基救樂都陰與蒙遜通謀下繩引內其兵登城者百餘人鼓譟燒元門元基帥左右奮擊乃退暮未遣使詣蒙遜許歸沮渠成都以求和蒙遜引兵還遣使入秦弔祭暮未厚資送成都遣將軍王伐送之蒙遜猶疑之使恢武將軍沮渠竒珍伏兵於捫天嶺執伐并其騎士三千人以歸旣而遣尚書郎王杼送伐還秦并遣暮未馬千匹及錦剡銀繒七月暮未遣使至即中馬艾如河西報聘冬十月秦涼州牧乞伏千年懼罪出奔河西暮未以其叔沃陵代鎮湟河

己巳夏六月涼及吐谷渾侵秦秦敗之獲涼世子興國

戊辰十二月河西王蒙遜伐秦至磐夷秦相國元基等將騎萬五千拒之蒙遜還攻西平征虜將軍出連輔政等將騎二千救之明年己巳正月出連輔政等未至西平河西王蒙遜拔西平執太守鞠承蒙遜伐秦秦王暮未留元基守枹罕遷保定連蒙遜至枹罕遣世子興國攻之六月暮未逆擊興國于治城擒之追擊蒙遜至譚郊吐谷渾王慕瓚遣其沒利延將騎五千會蒙遜伐秦暮未遣段暉等邀擊大破之七月蒙遜遣使送穀三十萬斛贖興國暮未不許十二月蒙遜遣使入貢于宋

庚午冬十一月涼遣使入貢于魏

秦王慕未為河西所逼遣使請迎于魏遂東如上邽夏主發兵拒之暮未留保南安十月河西王蒙遜遣尚書郎宗舒等人貢于魏辛未秋八月涼遣子入侍于魏魏遣使授涼王蒙遜官爵

正月夏主定攻秦南安克之秦王暮未降五月夏主殺暮未西秦由此遂亡夏主畏魏人之逼自治城濟河欲擊河西王蒙遜而奪其地吐谷渾王暮瓊遣兵邀之擊之執夏主定以歸送于魏夏自是亦

八月蒙遜遣子安周入侍于魏魏主遣李順拜蒙遜為侍中都

督涼州西域羗戎諸軍事太傅行征西大將軍涼州牧涼王武威張掖敦煌酒泉西河金城西平七郡冊曰盛衰存亡與魏升降北

盡窮髮南極庸嶠西被崑嶺東至河曲唐魏興上庸之地嶠嶠山也崑嶺謂崑崙河曲朔方

之河也王實征之以夾輔皇室將相羣卿百官承制假授天子旌旗

出入警蹕如漢初諸侯王故事

載記史臣曰蒙遜出自夷貊擅權邊塞屬呂光之悖德深懷仇讎之寃推段業以濟時假以陳吳之事稱兵白澗南京請和出師丹嶺北寇賓服然而見利忘義苞禍滅親雖能制命一隅抑亦備諸凶德者矣

贊曰光猜人傑業忌時賢游飲日晦匿智圖全兇心既逞偽績攸宣挺茲姦數馳競當年

學海君道部卷之一百七十

創業類

四十

僞命分爭

七

晉末十六國篇

七

西涼李暠據酒泉章

太祖武昭王李暠隴西人

通鑑曰李暠好文學有令名嘗與涼呂光太史令郭慶及同母弟

宋繇同宿磨起謂繇曰君當位極人臣李君終當有國家有騾馬

晉書作
騾草馬

主白額駒此其時也晉安帝隆安丁酉夏涼沮渠蒙遜與

段業叛八月涼郭慶楊軌叛己亥二月段業自稱涼王

是為
北京以孟

敏為沙州刺史敏以暠為效穀令宋繇事業為中散常侍

晉安帝隆安四年庚子春三月北涼以李暠為敦煌太守

孟敏卒敦煌護軍郭謙沙州治中索仙等以李暠溫毅有惠政推

為敦煌太守暠初難之會宋繇自張掖告歸謂暠曰段王無遠略

終必無成兄忘郭騰之言耶白額駒今已生矣暠乃從之進號冠

軍將軍遣使請命於業業因以暠為安西將軍敦煌太守領護西

胡校尉北涼右衛將軍索嗣言於業曰李暠不可使處敦煌業因

以嗣代暠使帥五百騎之官嗣未至二十里移暠迎已暠驚疑將

出迎之效穀令張邈及宋繇止之曰段王闇弱正是英豪有為之

日將軍據一國成資奈何拱手受人嗣自恃本部謂人情附已不

意將軍猝能拒之可一戰禽也宋繇亦曰大丈夫已為世所推今

日便授首於嗣豈不為天下笑乎大兄英姿挺傑有雄霸之風張

王之業不足繼也暠曰吾少無風雲之志因官至此不圖此郡士

人忽爾見推向言出迎者未知士大夫之意故也因遣繇見嗣唱

以甘言繇還謂暠曰嗣志驕兵弱易取也暠乃遣邈繇與其二子

歆讓逆擊嗣敗走還張掖暠素與嗣善反為所構尤恨之表業請

誅嗣沮渠男成亦惡嗣勸業除之業乃殺嗣遣使謝暠進暠持節

都督涼興以西諸軍事鎮西將軍領護西夷校尉

冬十一月李暠自稱涼公是為西涼 居敦煌

十一月北涼晉昌太守唐瑤叛移檄六郡蓋敦煌酒泉晉昌 涼興建康祁連也推李

暠為冠軍大將軍沙州刺史涼公領敦煌太守北涼之地至此 又分為西涼改

元庚子暠以瑤等為征虜將軍等官遣從事中郎宋繇東伐涼興

并擊玉門巴西諸城皆下之遂屯玉門陽關廣田積穀為東伐之

資

五年^{辛丑}秋七月秦伐涼大破之西涼遣使入貢於秦

沮渠蒙遜弒北涼王業自稱張掖公七月秦主興遣姚碩德伐涼圍姑臧涼王隆遣使降秦於是西涼公暲河西王利鹿孤張掖公蒙遜各遣使奉表入貢於秦

義熙元年^{乙巳}春正月西涼公暲遣使來上表

正月西涼公暲自稱大將軍大都督領秦涼二州牧改元建初遣舍人黃始梁興間行奉表詣建康曰昔漢運將終三國鼎峙鈞天之曆數鍾皇晉高祖闡鴻基景文弘帝業嗣武受終要荒率服六合同風宇宙齊貫然而惠皇失馭權臣亂紀懷愍屯遭蒙塵于外懸象上分九服下裂眷言顧之普天同憾伏惟中宗元皇帝基天

紹命遷幸江表荆揚蒙弘覆之矜五都為荒榛之藪故太尉西平武公軌當元康之初屬擾攘之際受命典方出撫此州威略所振聲蓋海內明盛繼統不隕前志長旌所指仍闢三秦義立兵強拓境萬里文桓嗣位奕葉載德囊括關西化被崑裔遐邇款藩世修職貢晉德之遠揚繁此州是賴大都督大將軍天錫以英挺之姿承七世之業志匡時難克隆先勳而中年降災兵寇侵境皇威遐邇同獎弗及以一方之師抗七州之衆兵孤力屈社稷以喪臣聞歷數相推歸餘於終帝王之興必有閏位是以共工亂象於黃農之間秦項篡竊於周漢之際皆機不轉踵覆餗成凶自戎狄陵華已涉百齡五胡僭襲期運將杪四海顛顛懸心象魏故師次東關趙魏莫不企踵淮南大捷三方欣然引領伏惟陛下道協少康德

侂光武繼天統位志清函夏至如此州世篤忠義臣之羣僚以臣
高祖東莞太守雍曾祖北地太守柔荷寵前朝參叅時務伯祖龍
驤將軍廣晉太守長寧侯卓亾祖武衛將軍天水太守安世亭侯
弇毗佐涼州著功秦隴殊寵之隆勒于天府妾臣無庸輒依竇融
故事迫臣以義上臣大都督大將軍涼公領秦涼二州牧護羗校
尉臣以爲荆楚替貢齊桓興召陵之師諸侯不恭晉文起城濮之
役用能勲光踐土業隆一匡九域賴其弘猷春秋恕其專命功冠
當時美垂千祀况今帝居未復諸夏昏墊大禹所經奄爲戎墟五
嶽神山狄汙其三九州名都夷穢其七辛有所言於茲而驗微臣
所以叩心絕氣忘寢與食雕肝焦慮不遑寧息者也江涼雖遼義
誠密邇風雲苟通實如唇齒臣雖名未結于天臺量未著于海內

然憑賴累祖寵光餘烈義不細辭以稽大務輒順羣議亡身卽事
轉弱任重懼忝威命昔在春秋諸侯宗周國皆稱元以布時令今
天臺邈遠正朔未加發號施令無以紀數輒年冠建初以崇國憲
冀仗寵靈全制一方便義誠著于所天玄風扇于九壤殉命灰身
隕越慷慨

秋九月西涼徙都酒泉

西涼公高謂長史張邈曰昔河右分崩羣豪競起吾以寡德爲衆
賢所推何嘗不忘寢與食思濟黎庶故前遣母弟繇董率雲騎東
殄不庭軍之所至莫不賓下今惟蒙遜鷄時一城自張掖已東晉
之遺黎雖爲戎虜所制至於嚮義思風過於般人之望西伯大業
須定不可安寢吾將遷都酒泉漸逼寇宄諸君以爲何如張邈贊

成其議嵩 大悅曰二人同心其利斷金張長史與孫同矣夫復何疑乃以張體順為建康太守鎮樂涖徵宋繇為右將軍領敦煌

護軍與其子敦煌太守讓鎮敦煌遂遷居于酒泉李嵩遷酒泉欲以通沮渠及蒙

遜安知反為蒙遜所逼邪明年丙午九月沮渠蒙遜襲酒泉至安珍嵩戰敗城

守蒙遜引還

載記曰嵩手令教諸子曰從政者當慎賞罰勿任愛憎也近中正遠佞諛勿使左右竊弄威福毀譽之來當研核真偽聽訟折獄必和順任理慎勿逆詐億必輕加聲色務廣諮詢勿自專用吾蒞事五年雖未能息民然含垢匿瑕朝為寇讎夕委心裔祖無負於新舊事任公平坦然無類初不容懷有所損益計近則如不足經遠乃為有餘庶亦無愧於前人也

秋八月北涼襲西涼不克

庚戌八月河西王蒙遜伐西涼敗西涼世子歆於馬廟禽其將朱元虎涼公嵩以銀二千斤金二千兩贖元虎蒙遜歸之遂與嵩結盟而還辛亥八月蒙遜帥輕騎襲西涼西涼公嵩曰兵有不戰而敗敵者挫其銳也蒙遜新與吾盟而遽來襲我我閉門不戰待其銳氣竭而擊之茂不克矣頃之蒙遜糧盡而歸嵩遣世子歆帥騎七千邀擊大敗之

十三年丁卯春二月西涼公李嵩卒

初涼司馬索承明上書勸涼公嵩伐河西王蒙遜引見謂之曰蒙遜為百姓患孤豈忘之顧勢力未能除耳卿有必禽之策當為孤陳之直唱大喜使孫東討此與言石虎小豎宜肆諸市朝者何異

承明慚懼而退

載記史臣曰王者受圖咸資世德猶混成之先大帝若一氣之生
兩儀是以中陽勃興資參龍之構趾景毫垂統本吞鷲之開基涼
武昭王英姿傑出運陰陽而緯武應變之道如神吞日月以經天
成物之功若歲故能懷荒弭暴開國化家宅五郡以稱藩屈三分
而奉順若乃詩褒秦仲後嗣建削平之業頌美公劉未孫興配天
之祚或發迹於汧渭或布化于邠岐覆篲創元天之基䟽涓開環
海之宅彼既有漸此亦同符是知景命攸歸非一朝之可致累功
積慶其所由來遠矣

西秦乞伏據苑川章

烈祖宣烈王乞伏國仁隴西鮮卑人

初乞伏述延居于苑川侵并隣部士馬彊盛及趙亡述延懼遷于
麥田述延卒子儻大寒立儻大寒卒子司繁遷于度堅山爲簡文
咸安辛未秦益州刺史王統襲司繁司繁帥衆降秦秦主堅署爲
南單于留之長安以司繁叔父吐雷爲勇士護軍撫其部衆孝武
寧康癸酉鮮卑勃寒侵斥隴右堅以司繁爲使持節都督討西胡
諸軍事鎮西將軍以討之勃寒懼而請降司繁遂鎮勇士川甚有
威惠太元丙子司繁卒國仁代鎮勇士川

晉孝武帝太元八年

癸未

冬十一月秦將軍乞伏國仁叛據隴右

秦王堅大舉入寇以乞伏國仁爲前將軍領先鋒騎會國仁叔父
步頽反于隴西堅遣國仁還討之步頽聞之大喜迎國仁于路國
仁置酒大言曰苻氏疲民逞兵殆將亡矣吾當與諸君共建一方

之業十一月堅敗于肥水走還長安國仁遂迫脅諸部有不從者擊而併之衆至十餘萬

十年 秋九月乞伏國仁自稱單于 是為西秦以後綱目俱書西秦

秦主堅為後秦主姚萇所殺乞伏國仁謂其豪帥曰苻氏以之姿而困於烏合之衆可謂天也夫守常迷運先達耻之見作英豪之舉吾雖薄德藉累世之資豈可觀時來之運而不仁自稱大都督大將軍單于領秦河二州牧改元建義置將分其地置武城武陽安固武始漢陽天水略陽澠川甘松匡朋馬苑川十二郡築勇士城而都之鮮卑匹蘭率衆五千降戊正月南安秘宜帥羗胡五萬餘人攻國仁四面而至國仁謂將曰先人有奪人之心不可坐待其至宜抑威餌敵羸師以張

之軍法所謂怒我而息寇也於是勒兵五千襲其不意大敗之宜

奔還南安秋七月秘宜與莫侯悌春帥其衆三萬餘戶降于國仁

國仁拜宜東秦州刺史悌春梁州刺史

十二年 秋七月西秦擊鮮卑三部降之

三月秦主姚登以乞伏國仁為大將軍單于苑川王六月國仁帥

騎三萬襲鮮卑大人密貴裕苟提倫三部于六泉 密貴為一部裕苟為一部提倫

為一部六泉在高平七月與沒奕千金熙戰于渴渾川 據載記國仁襲三部而沒奕千金熙連兵

襲國仁故遇戰于渴渾川其地當在天水勇士縣東北沒奕千金熙大敗三部皆降

十三年 夏六月西秦王乞伏國仁卒

四月苑川王國仁建威將軍叱盧烏孤跋擁衆叛保牽屯山國仁率騎七千討之斬其部將叱羅侯降者千餘戶跋大懼遂降復其

官位因討鮮卑越質叱黎于平襄大破之獲其子詰弟子復半及部落五千餘人而還六月國仁卒

高祖武元王名乾歸國仁弟國仁卒乾歸立

乞伏乾歸國仁弟也初為上將軍戊子六月國仁卒其子公府尚

幼羣下推乾歸為大都督大將軍大單于河南王改元太初七月

乾歸置百官倣漢制以出連乙都為丞相懷眷為御史大夫邊芮

為左長史秘宜為右長史翟勅為左司馬從弟軻彈為梁州牧弟

益州為秦州牧屈眷為河州牧胡氏曰時乞伏氏跨有涼州河南之地遂為國號其所置州牧不過

分居河龍之間

己丑正月秦主登以河南王乾歸為大將軍大單于金城王夏五

月乾歸擊侯年部大破之於是秦涼鮮卑羌胡多附乾歸悉授以

官爵

載記曰南羌獨如率眾七千降之休官呵敦侯年二部各擁五

千餘落據牽屯山為其邊害乾歸討破之悉降其眾於是聲振

邊服吐谷渾大人視連遣使貢方物鮮卑豆留鞠叱豆渾及南

丘鹿結并休官曷呼奴盧水尉地跋並率眾降于乾歸皆署其

官爵

十一月抱罕羌彭奚念附于金城王乾歸以為北河州刺史抱罕舊為

河州治所乞伏氏先於境內置河州以屈眷為牧故以抱罕為北河州以奚念為刺史庚寅十月金城王乾

歸遣使拜吐谷渾視罷為白蘭王視罷不受

辛卯正月越質詰歸據平襄以叛金城王乾歸擊之詰歸降乾歸

以宗女妻之七月秦驃騎將軍沒奕于以其二子為質於金城王

乾歸請共擊鮮卑大兜乾歸與沒奕于攻大兜於鳴蟬堡克之載據

註大兜時據安陽城安陽城在唐秦州龍城縣界鳴蟬堡亦當在其地兜微服走乾歸收其部眾而

還歸沒奕于二子沒奕于尋叛東合劉衛辰八月乾歸帥騎一萬

討沒奕于奔他樓城在高平冬十月三河王光遣兵乘虛伐金城王

乾歸乘其伐沒奕于之虛也乾歸聞之引兵還光兵亦退

壬辰九月三河王光遣其弟寶攻金城金城王乾歸逆擊之敗于

鳴菴峽退屯青岸寶進追乾歸乾歸使其將彭奚念斷其歸路躬

貫甲冑連戰敗之寶及將士投河死者萬餘人光自將擊奚念於

枹罕克之奚念奔甘松癸巳春休官權于成據顯親自稱秦州牧

為秦所逼請降于乾歸乾歸以為東秦州刺史

十月秦主崇及隴西王楊定攻西秦乞伏乾歸兵敗皆

死

正月秦主登遣使拜金城王乾歸為左丞相河南王領秦梁益涼

沙五州牧加九錫四月秦主登及後秦戰敗績奔平涼六月

其子汝陰王宗為質于乾歸以請救進封乾歸為梁王納其妹為

梁王后乾歸遣前軍將軍乞伏益州等帥騎一萬救之七月登引

兵出迎乾歸兵敗為後秦主桃興所殺益州等聞之引兵還秦太

子崇奔湟中僭號崇奔隴西王楊定定留司馬邵強守秦州帥眾

二萬與崇共攻乾歸乾歸遣梁州牧軻彈秦州牧乞伏益州立義

將軍詰歸帥騎三萬拒之益州與定戰敗于平川軻彈詰歸皆引

退軻彈司馬翟瑄奮劔怒曰主上以雄武開基所向無敵威振秦

蜀將軍以宗室居元帥之任當竭力致命以佐國家今秦州雖敗

二軍尚全奈何望風退衄將何面以見主上乎璠雖無任獨不能
以便宜斬將軍乎軻彈乃帥騎進戰益州詰歸亦勒兵繼之大敗
定兵殺定及崇斬首萬七千級乾歸于是盡有隴西之地

十一月西秦乞伏乾歸自稱秦王

增

乙未正月西秦王乾歸以太子熾盤爲尚書令置官皆如魏武晉
文故事然猶稱大單于大將軍邊芮等領府佐如故初楊定之死
也天水姜乳襲據上邽四月西秦王乾歸遣乞伏益州帥騎六千
討之索虜秃髮如苟率戶二萬降之六月西秦王乾歸遷于西城
苑川之西城也七月三河王光帥衆十萬伐西秦左輔密貴周左
衛將軍莫者殺抵勸乾歸稱藩于光以子勃勃爲質光引兵還乾
歸悔之殺周及殺抵

丙申十月涼州牧軻彈與秦州牧益州不平軻彈奔涼十二月

質詰歸帥戶二萬叛歸于秦秦人處之成紀拜平襄公

安帝隆安元年丁酉春正月涼攻西秦西秦與戰殺其弟延

涼王光以西秦王乾歸數反覆

謂乾歸既稱藩於光而悔之也

舉兵伐之乾歸羣

下請東奔成紀以避之乾歸曰軍之勝敗在於巧拙不在衆寡光

兵雖衆而無法其弟延勇而無謀不足憚也且精兵盡在延延敗

光自走矣光軍于長最遣太原公纂等帥步騎三萬攻金城乾歸

帥衆二萬救之未至纂等拔金城光又遣其將梁恭等以甲卒萬

餘出陽武下峽

在高平西河

與秦州刺史沒奕干攻其東天水公延以

抱罕之衆攻臨洮武始河關皆克之乾歸使人給延云乾歸衆浩

奔成紀延欲引輕騎追之司馬耿稚諫曰乾歸勇略過人安肯望

風自潰前破王廣楊定皆羸師以誘之今告者視高色動殆必有
姦宜整陳而前使步騎相屬俟諸軍畢集然後擊之無不克矣延
不從進與乾歸遇延戰死稚等收散卒還屯抱罕光亦引兵還姑
臧六月乾歸徵彭奚念入衛以屋弘破光為河州牧翟瑄為興晉
太守鎮抱罕

二年戊戌秋西秦伐吐谷渾增

正月西秦王乾歸遣乞伏益州攻涼支陽鷗武允吾三城克之三縣

屬金城郡虜萬餘人而去九月乾歸遣秦州牧益州武衛將軍慕元冠

五將軍翟瑄帥騎二萬伐吐谷渾十月乞伏益州與吐谷渾王視

于度周川視羅大敗走保白蘭山遣子宕豈為質於西秦以

時以宗女妻之

四月鮮卑疊掘河內帥戶五千降於西秦西秦王乾歸以

內為疊掘都統以宗女妻之疊掘亦鮮卑一種也河內其名

四年庚子春正月西秦遷都苑川乞伏氏本居苑川乾歸遷于金城今復都苑川

秋七月秦擊西秦西秦王乾歸戰敗奔南涼遂降于秦

五月秦王興遣隴西公碩德將兵五千伐西秦入自南安峽南安峽在

唐秦州隴城縣界西秦王乾歸帥諸將拒之軍于隴西秋七月乾歸使武

衛將軍慕元等屯守秦軍樵采路絕秦王興潛引兵救之乾歸聞

興將至謂諸將曰吾自開建以來屢摧勅敵乘機藉筭舉無遺策

今姚興盡中國之帥軍勢甚盛山川阻狹無縱騎之地宜引師平

川伺其殆而擊之存亡之機在斯一舉卿等戮力勉之若梟翦姚

興關中之地盡吾有也於是使慕元帥中軍二萬屯柏楊鎮軍將

軍羅敦帥外軍四萬屯侯辰谷乾歸自將輕騎數千前候秦兵會
大風昏霧與中軍相失爲追騎所逼入於外軍旦與秦戰大敗走
歸死川其部衆三萬六千皆降于秦興進軍抱罕乾歸奔金城謂
諸豪帥曰吾不才叨竊名號已踰一紀今敗散如此無以待敵欲
西保允吾若舉國而去必不得免卿等留此各以其衆降秦以全
宗族勿吾隨也衆皆曰昔古公杖策幽人歸懷玄德南奔荆楚襁
負分岐之感古人所悲况臣等義深父子而有心離皆死生願從
陛下乾歸曰吾今將寄食于人若天未亡我庶幾異日克復舊業
復與卿等相見今相隨而死無益也乃大哭而別乾歸

騎奔允吾乞降於武威王利鹿孤利鹿孤遣廣武公儁檀迎之賓

於晉興在允吾縣西秦兵既退南羌梁戈等密招乾歸乾歸將應之其

臣屋引阿洛以告晉興太守陰暢暢馳曰利鹿孤利鹿孤遣其
吐雷帥騎三千屯捫天嶺乾歸懼爲利鹿孤所殺謂其太子熾
曰吾父子居此必不爲利鹿孤所容今姚氏方強吾將歸之若盡
室俱行必爲追騎所及吾以汝兄弟反汝母爲質彼必不疑吾在
長安彼終不敢害汝也乃送熾盤等於西平八月乾歸南奔抱罕
遂降于秦十一月乾歸至長安秦主興以爲都督河南諸軍事此

南金城河謂之西河州刺史歸義侯

五年辛丑春二月秦使乞伏乾歸還鎮苑川

二月秦主興使乾歸還鎮苑川盡以其故部衆配之明年四月熾
磐自西平逃歸苑川南涼王儁檀歸其妻子乾歸使熾磐入朝于
秦秦主興以爲晉興太守

乙巳正月乾歸擊吐谷渾大孩大破之俘萬餘口而還大孩走死
胡園十二月乾歸伐仇池為楊盛所敗

義熙三年丁未春五月秦以乞伏乾歸為主客尚書

乞伏乾歸入朝于秦秦王興以乾歸寢強難制留為主客尚書以

其世子熾磐行西夷校尉監其部眾是後秦政日衰熾磐日盛而乾歸亦不可得而留矣七

月禿髮傉檀復貳於秦遣使邀熾磐熾磐斬其使送長安十月秦

河州刺史彭奚念叛降于傉檀秦以熾磐行秦州刺史戊申十月

熾磐以秦政浸衰且畏秦之攻襲招結諸部二萬餘人築城于嶮

嶺山而據之十二月熾磐攻彭奚念於抱罕敗還

丁未度曰嶮嶺山在西羌予據乞伏氏據苑川其地西至抱罕東

極隴坻北限赫連南界吐谷渾嶮嶺山當在苑川西南宋朝西

北境盡秦渭嶮嶺山在西羌中

五年己酉春二月乞伏乾歸自秦逃歸

乞伏熾磐入見秦太原公懿於上却彭奚念乘虛伐之熾磐聞之

怒不告懿而歸擊奚念破之遂圍抱罕乾歸從秦王興如平涼熾

磐克抱罕遣人告乾歸乾歸逃還苑川四月乾歸如抱罕留世子

熾磐鎮之收其眾得二萬徙都度堅山乞伏之先所居

秋七月西秦乞伏乾歸復稱秦王冬十月西秦以焦遺為太子太師

羣下勸乾歸稱王乾歸以寡弱弗許固請曰夫道應符歷雖廢必

與圖錄所棄雖成必敗本初之眾非不多也魏武運籌四州瓦解

尋邑之兵非不盛也世祖龍申亡新為散固天命不可虛邀符籙

不可妄冀姚數將終否極始泰乘機撫運實係聖人今見眾三萬

足可以疆理秦隴清蕩洮河陛下應運再興四海鵠望豈宜固守
 謙讓不以社稷為本願時即大位允副羣心乾歸從之七月乾歸
 復即秦王位大赦改元更始公卿以下皆復本位十月立世子熾
 磐為太子以星引破光為河州刺史鎮抱罕以焦遺為太子太師
 與參軍國大謀謂熾磐曰焦生非特名儒乃王佐才也汝事之當
 如事吾

六年庚戌春三月西秦攻秦金城克之增

三月西秦王乾歸攻秦金城郡拔之七月乾歸討越質屈機等十
 餘部越質鮮卑種也屈機即詰歸也語稍訛耳降其眾二萬五千徙於苑川八月乾歸

復都苑川

胡氏曰乞伏氏本都度堅山乾歸強盛始都苑川既為秦所破

而降於秦秦使鎮苑川復叛恐為秦所襲還保度堅山今部
 浸盛不畏秦復都苑川

秋九月西秦攻秦略陽隴西諸郡克之

西秦王乾歸攻秦略陽南安隴西諸郡皆克之徙民二萬五千戶
 於苑川及抱罕

七年辛亥春正月西秦復降于秦

正月秦王興以太常索稜為太尉使招撫西秦西秦王乾歸遣使
 送所掠守宰謝罪請降興遣鴻臚拜乾歸都督隴西嶺北匈奴雜

胡諸軍事征西大將軍河州牧單于河南王晉書載記曰乾歸方圖河右權宜受之遂

稱藩于興二月河南王乾歸徙鮮卑僕渾部三千餘戶于度堅城以子

救勃為秦興太守以鎮之乞伏乾歸本建國號曰秦故置秦興郡于度堅山六月乾歸徙

羌勾豈等部眾五千餘戶于豐蘭城城在大夏西南以兄子阿柴為

興國太守以鎮之漢未興國氏王阿貴據興國城在略陽郡界乞伏因其地名置郡五月復以子

木奕干為武威太守鎮嶮嶺城

秋七月西秦攻南涼敗其兵西秦攻秦栢陽堡水洛城皆克之

河南王乾歸遣熾磐及中軍將軍審虔伐南涼八月熾磐兵濟河

南涼王倭檀遣太子虎臺逆戰於嶺南南涼兵敗虜牛馬十餘萬

而還乾歸又攻秦略陽太守姚龍於栢陽堡克之十一月進攻南

平太守王憬於水洛城在隴山之西漢略陽縣界又克之徙民三千餘戶於譚

郊遣乞伏審虔帥眾二萬城譚郊十二月西羌彭利髮襲據枹罕

自稱大將軍河州牧乾歸討之不克

八年夏六月西秦乞伏公

正月河南王乾歸復討彭利髮至奴葵谷利髮棄眾南走乾歸遣

振威將軍乞伏公府追至清水斬之收羗戶一萬三千以乞伏

虔為河州刺史鎮枹罕而還二月乾歸徙都譚郊命平昌公熾磐

鎮苑川乾歸擊吐谷渾阿若于於赤水降之赤水縣屬臨洮郡六月乾歸

為乞伏公府所弒謚曰武元王廟號高祖

太祖文昭王名熾磐乾歸世子乞伏公府弒乾歸秋熾磐討殺之而

自立

乞伏熾磐乾歸長子也性勇果英毅臨機能斷權略過人初為太

子領冠軍大將軍都督中外諸軍錄尚書事乾歸稱藩于秦秦王

興以熾磐為假節鎮西將軍左賢王平昌公尋進號撫軍大將軍

乾歸徙都譚郊命熾磐鎮苑川五月熾磐攻南涼三河太守吳陰

於白土此白土當在唐鄯州界非邠州之新平也六月乞伏公府弒乾歸并殺其諸子

十餘人走保大夏熾磐遣其弟廣武將軍智達揚武將軍沒奕干

帥騎三千討之以其弟曇達為鎮京將軍鎮譚郊驍騎將軍婁機

鎮苑川熾磐帥文武及民二萬餘戶遷于枹罕秋七月乞伏智達

等擊破乞伏公府於大夏公府奔疊蘭城就其弟阿柴智達等攻

拔之斬阿柴父子五人公府奔嶮嶺南山追獲之并其四子輟之

於譚郊八月熾磐自稱大將軍河南王改元永康

九年西秦永康二年癸卯秦太尉索稜以隴西降西秦

三月河南王熾磐遣龍驤將軍乞伏智達平東將軍王松壽擊吐

谷渾樹洛干於燒河大破之獲其將呼那烏提虜三千餘戶而還

又遣鎮東將軍曇達與松壽將兵東擊休官權小郎呂破胡於白

石川大破之虜其男女萬餘口進據白石城顯親休官權小成日

奴迦等二萬餘戶據白坑不服曇達攻斬之隴右休官悉降秦太

尉索稜以隴西降熾磐辛丑歲秦令索稜守隴西以撫乞伏熾磐以為太傅四月河

南王熾磐遣安北將軍烏地延冠軍將軍翟紹擊吐谷渾別統句

旁于泣勤川大破之七月熾磐擊吐谷渾支旁于長柳川虜旁及

其民五千餘戶而還九月熾磐擊吐谷渾別統掘達於渴渾川大

破之虜男女二萬三千十月掘達帥其餘眾降于熾磐

十年甲辰夏五月西秦襲滅南涼以僭檀歸殺之

五月南涼王僭檀留其太子虎臺守樂都自將襲乙弗部大破之

河南王熾磐聞之欲襲樂都羣臣咸以為不可太府主簿焦襲曰

僭檀不顧近患而貪遠利我今伐之絕其西路使不得還救則虎

臺獨守窮城可坐禽也此天亡之時必不可失熾磐從之帥步騎
 二萬襲樂都虎臺憑城拒守熾磐四面攻之一旬而克熾磐入樂
 都遣平遠將軍捷虔帥騎五千追儻檀以鎮南將軍謙屯為涼州
 刺史鎮都捷虔謙屯皆乞伏種禿髮赴單為西平太守鎮西平以趙恢為廣
 武太守鎮廣武曜武將軍王基為晉興太守鎮浩亶徙虎臺及其
 文武百姓萬餘戶于枹罕六月儻檀聞樂都已潰乃引兵西欲取
 契汗眾多逃還遂歸于熾磐檀諸城皆降獨尉賢政屯浩亶固
 守不下聞儻檀至左南在東北乃降熾磐聞儻檀至遣使郊迎賜爵
 左南公尋殺之并殺虎臺南涼遂亡

冬十月西秦王熾磐復稱秦王

增

河南王熾磐復稱秦王置百官

熾磐嗣位自稱河南王今并南涼兵強地廣復稱秦王

載記史臣曰夫天地閉大侵生雲雷屯羣凶作自晉室遺孽胡兵
 肆禍封域無紀干戈是務國仁陰山遺噍難以義服伺我阡危去
 其陵暴向使遇欽明之運遭雄略之主已當褫魂沙漠請命蒙街
 豈暇切據近郊經綸王業者也乾歸智不及遠而以力詐自矜陷
 呂延之師奸謀潛斷俘視羆之眾威策遐舉便能誓泝隴之餘卒
 窺峭山之奧區秣疲馬而宵征翦勅敵而朝食既而控弦鳴鏑厥
 志未逞沮岸崩山其功已喪履重氣於外難幸以計全貽巨釁於
 蕭牆終成凶禍宜哉熾磐叱咤風雲見機而動牢籠雋傑決負多
 奇故能命將掩澆河之首臨戎襲樂都之地不盈數載遂隆偽業
 覽其遺業盜亦有道乎

夏赫連勃勃據長安章

世祖武烈皇帝赫連勃勃匈奴人

赫連勃勃匈奴劉衛辰之少子也晉孝武太元辛卯十二月衛辰
爲魏王珪所滅勃勃亡奔薛干部珪使人求之薛干部帥太悉伏
出勃勃以示使者曰勃勃國破家亡以窮歸我我寧與之俱亡何
忍執以與魏乃送勃勃於沒奕干沒奕干以女妻之壬辰三月沒
奕干帥衆降于後秦秦主萇封爲高平公癸巳十二月萇卒子興
嗣位壬寅二月魏襲沒奕干沒奕干帥數千騎與勃勃奔秦州

晉安帝義熙三年

夏龍升
元丁未

夏六月赫連勃勃自稱大夏天王

勃勃魁岸美容儀性辯慧秦王與見而奇之拜驍騎將軍加奉車
都尉與論軍國大事寵遇踰於勳舊興弟邕諫曰勃勃不可近也
興曰勃勃有濟世之才吾方與之平天下奈何逆忌之乃以爲安

遠將軍封陽川侯使助沒奕干鎮高平以二城朔方雜夷之
部衆三萬配之使伺魏間隙邕固爭以爲不可興曰卿河陽不
爲人邕曰勃勃奉上慢御衆殘貪猾不仁輕爲去就寵之喻
終爲邊患興乃止久之竟以勃勃爲安北將軍至泉公肥以
五部鮮卑及雜虜二萬餘鎮朔方甲辰五月魏王珪歸
唐小方干秦秦王興請歸賀狄干仍送良馬千匹以贖狄伯支珪
許之勃勃聞秦復與魏通而怒乃謀叛秦柔然汗社噲獻馬八
千匹于秦至大城勃勃掠取之悉集其衆三萬人僞畋於高平
川因襲殺沒奕干而并其衆勃勃自謂夏后氏之苗裔六月稱大
夏天王大單于改元龍升

秋七月夏王勃勃破薛干等部降之遂進攻秦及南涼大破之

初魏王珪遣賀狄干求昏于秦秦王與止狄干而絕其昏於是秦魏有隙秦伐魏魏王珪自將擊破之十月夏王勃勃破鮮卑薛子等三部降其衆以萬數進攻秦三城已北諸戍斬秦將楊丕姚石生皆曰陛下欲經營關中宜先固根本使人心有所憑繫高平山川險固土田饒沃可以定都勃勃曰卿知其一未知其二吾大業草創士馬未多姚興亦一時之雄諸將周命關中未可圖也我今專固一城彼必并力于我衆非其敵亡可立待不如以驍騎風馳出其不意救前則擊後救後則擊前使彼疲於奔命我則游食自若不及十年嶺北河東盡爲我有待興旣死嗣子闇弱徐取長安在吾計中矣於是侵掠嶺北嶺北諸城門不晝啓興乃歎曰吾不用黃兒與第豎之字之言以至于此夏王勃勃求昏於南涼僣檀南涼

王不許勃勃帥騎二萬伐之自楊非至於支陽三百餘里殺傷萬餘人驅掠二萬七千口牛馬羊數萬而還僣檀率衆追之其將焦朗曰勃勃天姿雄鷲御軍齊肅未可輕也今因抄掠之資率思歸之士人自爲戰難與爭鋒不如從溫圍北渡趣萬斛堆阻水結營制其咽喉百戰百勝之術也僣檀將賀連怒曰勃勃以死亡之餘率烏合之衆犯順結禍幸有大功今牛羊塞路財寶若山窘敝之餘人懷貪競不能督厲士衆以抗我也我以大軍臨之必土崩魚潰今引軍避之示敵以弱我衆銳氣宜在速追僣檀曰吾追計決矣敢諫者斬勃勃聞而大喜乃於陽武下陝鑿凌埋車以塞路僣檀遣善射者射之中勃勃左臂勃勃乃勒衆逆擊大敗之追奔八十餘里殺傷萬計名臣勇將歿者什六七僣檀與數騎奔南山幾

爲追騎所得勃勃積死而封之號曰彌腹臺勃勃又敗秦將張佛生於青石原俘斬五千餘人

四年戊申夏五月秦遣兵襲南涼討夏皆敗績

五月秦王興使左僕射齊難帥騎二萬討勃勃七月夏王勃勃聞秦兵具至退保河曲齊難以勃勃既遠縱兵野掠勃勃潛師襲之俘斬七千餘人難引兵退走勃勃追至木城禽之虜其將士萬三千人於是嶺北夷夏附於勃勃者以萬數皆置守宰以撫之勃勃又率騎二萬入高岡及於五井掠平涼雜胡七千餘戶以配後軍進屯依力川

尹氏曰秦無故興兵攻僭檀故直書曰襲勃勃以敗亡降虜事

秦復叛故書曰討

秋七月秦主興攻夏夏王勃勃襲而敗之

秦王興自將擊勃勃於貳城勃勃俟興諸軍未集率騎擊之興大懼遣其將姚文宗拒戰勃勃僞退設伏以待之興遣其將姚榆生等追之伏兵夾擊皆擒之興還長安興將王奚聚羌胡三千餘戶於勃奇堡勃勃進攻之奚驍悍有膂力短兵接戰勃勃之衆多爲所傷於是堰斷其水堡人窘迫執奚出降奚自殺勃勃又攻皆拔之徙七千餘家於大城以其丞相右地代領幽州牧以鎮之

庚戌三月夏王勃勃遣尚書胡金纂攻平涼秦王興自將救之纂

爲興所殺勃勃又遣兄子左將軍羅提攻拔定陽

在鄜城縣界

阬將士

四十餘人勃勃寇隴右破白崖堡遂趣清水略陽太守姚壽都棄城走勃勃徙其民萬六千戶於大城興自安定追之至壽渠川不

及而還是歲齊難姚廣都謀叛皆誅之

七年辛未春正月夏攻秦杏城斬其守將姚詳遂攻安定東鄉皆克之

秦將軍姚詳屯杏城為夏王勃勃所逼南奔大蘇勃勃遣平東將

軍鹿沒干追斬之盡俘其眾勃勃南攻安定破尚書楊佛嵩于青

石北原降其眾四萬五千進攻秦將党智隆于東鄉下之徙三千

餘尸于貳城秦鎮北將軍王買德奔夏勃勃問以滅秦之策買德

曰秦德雖衰藩鎮猶固願且蓄力以待之勃勃以為軍師中郎將

買德遂為夏之謀臣秦王興遣衛大將軍常山公顯迎姚詳弗及遂屯杏城

八年壬午冬十月秦雍州刺史楊佛嵩攻夏夏王勃勃與戰破之

秦王興以楊佛嵩為雍州刺史帥嶺北見兵以擊夏王勃勃勃勃

與戰敗之佛嵩被執而歿

九年癸丑春二月夏築統萬城

夏王勃勃大赦改元鳳春三月勃勃築城于朔方水北黑水之南

勃勃曰朕方統一天下君臨萬邦宜名新城曰統萬改姓赫連氏

甲寅十月燕王馮跋與夏連和夏王勃勃遣御史中丞烏洛孤如

燕蒞盟

十一年乙卯春三月夏攻秦杏城拔之

夏王勃勃攻秦杏城拔之執守將姚逵及姚大用姚安和姚利僕

尹敏等坑士卒二萬人秦王興如北地遣廣平公弼及輔國將軍

斂曼蒐向新平興還長安夏五月夏王勃勃遣烏洛孤與河西王

蒙遜結盟蒙遜遣其弟漢平蒞盟于夏九月赫連建將兵擊秦執

平涼太守姚周都遂入新平姚弼與戰於龍尾堡禽之

十二年^{丙辰}夏六月夏攻秦克上邽陰密安定雍城秦遣兵擊却之復

取安定

正月秦主興卒太子泓立六月夏王勃勃帥騎四萬攻上邽二旬

克之秋秦州刺史姚軍都及將士五千餘人因毀其城進攻陰密

古密國在涇州又殺秦將姚良子及將士萬餘人以其子昌為雍州刺史

鎮陰密秦征北將軍姚恢棄安定奔還長安安定人胡儼等帥戶

五萬據城降于夏勃勃使鎮東將軍羊苟兒將鮮卑五千鎮安定

進攻秦鎮西將軍姚謀于雍城謀委鎮奔長安勃勃據雍進掠郿

城秦東平公姚紹及征虜將軍尹昭等將步騎五萬擊之勃勃退

趨安定胡儼閉門拒之殺羊苟兒及所將鮮卑復以安定降秦紹

進擊勃勃於馬鞍阪破之追至朝那不及而還勃勃歸杏城楊盛

遣兄子倦擊秦至陳倉秦歛曼嵬擊却之夏王勃勃復遣兄子

南侵泄陽秦車騎將軍姚裕等擊却之

三年^{丁巳}秋九月太尉裕大破秦兵秦主泓出降夏人進據安定

月晉將軍王鎮惡大破秦兵遂入長安秦主姚泓降九月太尉

至長安送泓詣建康斬之初夏王勃勃聞太尉裕伐秦謂羣臣

曰姚泓非裕敵也且其兄弟內叛安能拒人裕取關中必矣然裕

不能久留必將南歸留子弟及諸將守之吾取之如拾芥耳乃秣

馬礪兵訓養士卒進據安定秦嶺北郡縣鎮戍皆降之裕遣使遺

勃勃書約為兄弟勃勃使中書侍郎皇甫微為報書而陰誦之對

裕使者口授舍人使書之裕讀其文歎曰吾不如也

史言夷豪多權數

十二月太尉裕東還留子義真都督雍梁秦州軍事夏王勃勃遣兵

向長安

劉裕東還留子義真為都督使與王修王鎮惡沈田子等鎮長安
 夏王勃勃聞之大喜問於王買德曰朕欲取關中卿試其方略買
 德曰關中形勝之地而裕以幼子守之狼狽而歸正欲急成篡事
 耳不暇復以中原為意此天以關中賜我不可失也青泥上洛南
 北之險要宜先遣遊軍斷之東塞潼關絕其水陸之路然後傳檄
 三輔施以威德則義真在網罟之中不足取也勃勃敗義真取關中卒如買德之計
 勃勃乃以其子撫軍大將軍瑣都督前鋒諸軍事帥騎二萬向長
 安前將軍昌屯潼關以買德為撫軍右長史屯青泥勃勃將大軍
 為後繼

十四年夏昌武元戊午春正月王鎮惡沈田子帥師拒夏兵田子矯殺鎮惡

安西長史王修討田子斬之叅軍傅弘之擊夏兵却之

夏赫連瓚至渭陽關中民降之者屬路沈田子將兵拒之畏其衆
 盛退屯劉迴堡遣使還報王鎮惡鎮惡遂與田子俱出以拒夏兵
 田子素與鎮惡相圖因矯殺鎮惡王修又執田子斬瓚進至池陽
 為傅弘之所破又破于寡婦渡夏兵乃退

冬十一月夏王勃勃陷長安劉義真逃歸

劉義真殺長史王修人情離駭莫相統壹義真悉召外軍入長安
 閉門拒守關中郡縣悉降于夏赫連瓚夜襲長安不克夏王勃勃
 進據咸陽長安樵采路絕宋公裕聞之召義真東歸以朱齡石為
 都督代鎮長安十一月齡石至長安義真將士大掠而東瓚帥衆
 三萬追義真至青泥晉兵大敗傅弘之蒯恩力戰拒敵皆為王買

德所禽毛修之亦被執義真行在前日暮夏兵不窮追故得免
勃勃積人頭爲京觀號觸髅臺長安百姓逐朱齡石齡石焚其宮
殿奔潼關勃勃入長安大饗將士赫連昌攻龍驤將軍王敬先于
曹公壘城陷執之并執朱齡石等送長安勃勃殺之

夏王勃勃稱皇帝

夏羣臣勸進夏王勃勃曰朕無撥亂之才不能弘濟兆庶自枕戈
寢甲十有二年而四海未同遺寇尚熾不知何以謝責當年垂之
來葉將明揚仄陋以王位讓之然後歸老朔方琴書卒歲皇帝之
號豈薄德所膺羣臣固請乃許之於是爲壇于灞上僭卽皇帝位
改元昌武

恭帝元熙元年

夏真興元巳未

春正月夏人陷蒲坂

夏人攻蒲坂毛德祖不能禦全軍歸彭城劉裕使成虎率

夏主勃勃殺隱士

夏主勃勃徵隱士京兆韋祖思旣至恭懼過甚勃勃怒曰我以國
士待汝汝乃以非類遇我汝昔不拜姚興今何獨拜我我在汝猶
不以我爲帝王我死汝曹弄筆當置我於何地邪遂殺之

夏主勃勃還統萬

夏羣臣請都長安勃勃曰朕豈不知長安歷世帝王之都沃饒險
固然晉人僻遠終不能爲吾患魏與我風俗略同土壤隣接自統
萬距魏境裁百餘里朕在長安統萬必危若在統萬魏必不敢濟
河而西諸卿適未見此耳皆曰非所及也乃於長安置南臺以赫
連瓚領大將軍雍州牧錄南臺尚書事勃勃還統萬大赦改元真

與勃勃性驕虐視民如草芥常居城上置弓劍於側有所嫌忿乎
自殺之羣臣忤視者鑿其目笑者抉其舌諫者先截其舌然後斬
之

載記史臣曰赫連勃勃獯醜遺類入居邊宇屬中壤分崩緣間肆
慝控弦鳴鏑據有朔方遂乃法玄象以開宮殿神京而建社竊先
王之徽號備中國之禮容驅駕英賢開闢天下然其器識高爽風
骨魁奇姚興覩之而醉心宋祖聞之而動色豈陰山之韞異氣不
然何以致斯乎雖雄略過人而凶殘未革飾非拒諫酷害朝臣部
內囂然忠良卷舌滅亡之禍宜在厥身猶及其嗣非不幸也贊曰
淳惟遠裔名王之餘嘯羣龍漠乘鼎侵漁爰創宮宇易彼氈廬雖
弄神器猶曰凶渠

北燕馮跋篡後燕童

太祖文成皇帝馮跋長樂信都人

晉安帝義熙三年

丁未秋七月燕高雲弑其主熙自立爲天王

載記曰馮跋長樂信都人初仕燕主慕容寶爲中衛將軍及慕容
熙嗣位跋及弟侍御郎素弗皆得罪於熙熙欲殺之跋兄弟亡命
山澤熙賦役繁歛民不堪命跋素弗與其從弟萬泥謀曰吾輩還
首無路不若因民之怨共舉大事可以建公侯之業事之不捷死
未晚也遂相與乘車使婦人御潛入龍城匿於北部司馬孫護之
家及熙葬其后符氏出城送葬跋等與左衛將軍張興及符進餘
黨作亂跋素與慕容雲善乃推雲爲主雲以疾辭跋曰河間淫虐
神人共怒此天亡之時也公高氏名家何能爲人養子而棄難得

之運乎扶之而出跋弟乳陳等帥眾攻弘光門鼓噪而進禁衛皆散走遂入宮授甲閉門拒守熙馳還龍城攻北門不克宿於門外乙丑雲即天王位熙為人所送於雲雲殺之雲復姓高氏雲以跋為使持節侍中都督中外諸軍事征北大將軍開府儀同三司錄尚書事

五年

北燕馮跋太平元年己酉

冬十月燕弒其君雲馮跋自立為天王

燕王雲為其幸臣離班桃仁所殺馮跋升洪光門以觀變帳下督張泰李桑謂跋曰此豎勢何所至請為公斬之於是奮劍而下桑斬班于西門泰殺仁于庭中眾推跋為主跋曰范陽公素弗才略不恒志于靖亂掃清凶桀皆公勳也素弗辭曰臣聞父兄之有天下傳之于子弟未聞子弟藉父兄之業而先之今鴻基未建危甚

綴旒天工無曠業係大兄願上順皇天之命下副元元之心羣臣固請乃許之遂即天王位于昌黎詔曰陳氏代姜不改齊國宜即國號曰燕改元太平謚雲曰惠懿皇帝立子冰為太子以范陽公素弗為車騎大將軍錄尚書事孫護為尚書令張興為張僕射汲郡公弘為右僕射廣川公萬說為幽平二州牧上谷公乳陳為并青二州牧素弗少豪俠放蕩嘗請婚于尚書左丞韓業業拒之及為宰輔待業尤厚好申拔舊門謙恭謙約以身帥下百僚俾之論者美其有宰相之度

七年

辛亥秋七月柔然獻馬求昏於燕

燕王跋以太子永領大單于置四輔柔然可汗斛健遣使獻馬三千匹於跋求娶跋女樂浪公主跋命羣臣議之遼西公素弗曰前

世皆以宗女妻六夷宜許以妃嬪之女樂浪公主不降非類
跋曰朕方崇信殊俗奈何欺之乃以樂浪公主妻之跋勤於政事
勸課農桑省徭役薄賦斂每遣守宰必親引見問爲政之要以觀
其能燕人悅之

十年甲寅夏五月契丹庫莫奚降燕

河間人褚匡言于燕王跋曰陛下龍飛遼碣舊邦族黨傾首朝陽
以日爲歲請往迎之跋曰道路數千里復隔異國如何可致匡曰
章武臨海舟楫可通出于遼西臨渝不爲難也跋許之以匡爲遊
擊將軍中書侍郎厚資遣之匡與跋從兄買從弟睹自長樂帥五
千餘戶歸于和龍契丹庫莫奚皆降于燕跋署其大人爲歸善王
跋弟不避亂在高句麗跋召之以爲左僕射封常山公

秋八月魏遣于什門如燕

魏主嗣遣謁者于什門使於燕至和龍不肯入見曰大魏皇帝有
詔須馮王出受然後敢入燕王跋使人牽逼令入什門不拜跋怒
幽執什門欲降之什門終不屈

燕令勸農桑

載記曰跋勵意農桑勤心政事乃下書省徭薄賦脩農者戮之力
田者褒賞命尚書紀達爲之條制每遣守宰必親見東堂問以爲
政事之要令極言無隱以觀其志於是朝野競勸焉

跋又下書曰今疆宇無虞百姓寧業而田畝荒穢有司不隨時督
察欲令家給人足不亦難乎桑柘之益有生之本此土少桑人未
見其利可令百姓人植桑一百根柘二十根

十四年

燕太平
九戊午

夏五月魏人襲燕不克

初和龍有赤氣四塞蔽日自寅至申燕太史令張穆言於燕王跋曰此兵氣也今魏方彊盛而執其使者好命不通臣竊懼焉跋曰吾方思之五月魏主嗣東巡至濡源及甘松遣長孫道生等帥精騎二萬襲燕又命延普等自幽州引兵趨遼西爲之聲勢嗣屯突門嶺以待之道生等拔乙連城進攻和龍與燕單于右輔古泥戰破之殺其將皇甫軌跋嬰城自守魏人攻不克掠其民萬餘家而還

載記史臣曰自五胡縱慝九域淪胥帝里神州遂混之於荒裔鴻名寶位或假之於雜種嘗謂戎狄凶嚚未窺道德欺天擅命抑乃其常而馮跋出自中州有殊醜類因鮮卑之昏虐亦盜名於海隅然其遷徙之餘少非雄桀幸以寬厚爲衆所推初雖砥礪終罕所德舊史稱其信惑妖祀斥逐諫臣無開馭之才異經決之士信矣速禍致寇良謂在茲猶能育黎萌庶保守疆宇發號施令二十餘年豈天意乎非人事也

平旦天意平秋人事也

平旦天意平秋人事也

平旦天意平秋人事也

平旦天意平秋人事也



